




温州市图书馆

WENZHOU LIBRARY



温州市图书馆

WENZHOU LIBRARY

周易指卷八

青田端木國瑚撰



泰命卦乾☰乾繫坤☷



泰聲應坤☷

泰小往大來吉亨

履而泰然後安故受之以泰泰者通也履而泰天尊履地卑天地定  
位下三爻坤乾圓動履下三爻坤方靜泰然後安通履其旋上下坎  
通坎是天地往來竅泰滑也滑以養竅泰滑坎通履其旋泰通是則坤旋  
者往乾旋者來故受之以泰也泰寅正月卦為坤三世卦于八卦相  
錯先天在南方乾後天在西北乾于卦相錯下卦天地錯坤上卦天  
地錯乾于六爻相雜臨謙雜泰復升雜泰師明夷雜泰于卦中爻雜  
歸妹五初雜大壯二上雜臨于卦變需變泰大畜變泰大壯變泰于




追的平



類卦。否于六爻繫辭而命之泰命卦乾乾繫坤。乾坤動在其中。頤大過六爻聲應卦。坤此泰卦也。泰候當東北艮寅地。天地陰陽小大在于丑未。而寅申者。小大往來路。故陰陽二象小往艮二陰大來兌二陽。艮陽卦多陰陰小者往兌陰卦多陽陽大者來東北寅至午為乾陽大者一路。西南申至子為坤陰小者一路。西南申自未遯艮陰小者往而東北寅有丑兌陽臨大者來西南遯小人否其坤小一路。旋而西北兌坎東北臨大君泰其乾大一路。旋而東南震離則是履旋履而泰東北寅是坤小一路。兌坎冬往而乾大一路。震春離夏來坤一路。兌坎西北困窮為秋冬。而于泰之時小往其時則已往矣。乾一路震離東南豐大為春夏。而于泰之時大來其時則方來矣。此于卦需變泰。需須也。以須泰大來其義不困窮。泰通是也。是故卦有小大。子復小。丑臨大。坎子直未遯小。坎小離午直丑臨大。離大以履而



泰往來旋之坎小往兌大來其象節安履而泰然後安是也坎小往  
 離大來其象既濟亨吉大來泰大來是也復小往臨大來其象歸妹  
 履而泰泰帝乙歸妹是也此天地小往大來卦也是故遯小往臨大  
 來臨大者來乾大君之宜以輔相天地坤為財乾為德坤之財于坤  
 小民財小往乾之德于乾大君德大來財小往而上泰坤不富財藏  
 之下也德大來而下泰乾有福德施之上也是以萬物困窮而通泰  
 也泰小往大來者也天地治亂之數乃剛柔晝夜之象子丑寅三統  
 之道統乎世運其往來易見是一歲一日泰正月寅天地二十四氣  
 節通塞候之實西日所入大蒙夜之象于寅通塞之候夜小往東日  
 所出太平晝之象于寅通塞之候晝大來是故豐大宜日中太平治  
 之象吉大來也東日所出太平泰是也而往來治亂可知矣吉亨臨  
 兌二之象吉臨大吉大來吉者亨吉亨者也



否泰反其類也。乾坤小大往來，反復道內陽而外陰，內陰而外陽，陰與陽皆立天之道。是乾乾天行，反復易上經；乾下經，咸上經；坤下經，恆、咸、恆者，乾坤小大往來其類。否泰四三天地際，當泰時否反其類，四下際三為漸，當否時泰反其類。三上際四為歸妹，故否反泰是漸善俗，否天下无邦，漸可以正邦于泰，當知始善泰反否，乃歸妹永終。泰天地交歸妹，天地不交于泰，當知終做此天地際大義也。否泰二四三五中爻有漸，有歸妹是也。否漸而泰，上逆來來者信是咸，而恒否反其類。泰歸妹而否下順，往往者屈是恆，而咸泰反其類。否天地法象，否泰往來著明者日月變通者四時。泰乾包荒日而有坤歸妹，月之象。否坤包承月而有乾苞桑日之象。日月乾坤為儀，漸動往來而咸速，而恆久日往則月來，月往則日來。寒往則暑來，暑往則寒來。小大往來不處咸速也。日月得天久照，四時變化久成。小大往來

不已恒久也觀天象往來終始天地萬物可見者也是故以小大之物象觀之大來大往是漸鴻漸小往小來是歸妹立鳥歸天地子一小是震生子之象出之習坎立鳥坎立鳥北方危爲棟梁危其禽燕丑二大是兌爲澤之象見之麗離鴻雁雁往來分陰陽南北南而北稱雁北而南稱鴻雁立鳥往來分陰陽陟降降而陟稱燕陟而降稱立鳥其稱名即分小大陰陽氣候而名之泰寅人正夏時也夏小正正月雁北鄉九月遘鴻雁遘往也南往故以南北稱之二月來降燕乃睇九月陟立鳥蟄蟄藏也故以陟降稱之此夏時以記氣候小大往來者也正月雉震响稱雉十月立雉入淮爲蜃稱立雉冬稱立駒黃皆其類也是故否泰反復天地大義人終始即可于小大物象觀之稱燕者陽時其象小往陽時爲人家生子燕喜之候燕也稱立鳥者陰時其象小來陰時爲人家歸女燕歸藏立冥之候立鳥也此小往小來一否一

溫州不刊

泰象也稱鴻雁者陽方其象大往陽方爲行人來賓之義應歸妹女歸象鴻雁也稱雁者陰方其象大來陰方爲行人不利賓之義北鄉反其居應歸妹子生象征者復孕者育不稱南離鴻雁也此大往大來一否一泰象也是故鴻昏代也昏歸妹燕夕鴻昏雁與燕相間代小大往來天地否泰相代鴻昏代也萬世鴻昏相代皆此小大往來是也鴻雁玄鳥小大往來泰往來翩翩是也翩翩者乾反復道之象是以否泰反其類也

彖曰泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也泰大也小往大來大哉乾元離日來也離大人也泰命卦乾聲應卦坤乾天行泰通是坤暢于四支之事坤四支申寅巳亥申寅天地小大往來道申寅而已亥小大往來而天地交上下交道故東北泰寅




寅爲天地析木之津津通也而泰萬物通西南申是泰之同人

申候同人

申于寅天地析木之津津通而泰同人萬物通志同是以坤四支申寅巳亥泰天地上下交暢則當西南申通之東北寅析木之津而泰通也泰通是道濟天下之事皆泰后泰輔相之事萬物通志同皆泰天地交上下交事也泰大來吉亨乾用九象在申寅申天之則不失則寅人之是不失是否泰二卦則是二字以見申寅反復而于泰小往大來元亨則是天地交而萬物通也上下交而其志同也泰天地人三爻天道乾時陽來內坤時陰往外地道乾天行健來內坤地類順往外人道乾陽健君子來內坤陰順小人往外內者內之外者外之是以天地人泰子丑寅三爻天地上下人道萬物通志同而爲泰時也否內柔而外剛泰內健而外順者否主坤泰主乾剛柔坤立地之道柔能柔剛而剛失主乃否健乾天行之德順坤行地之德順能順

健而健得主乃泰故泰乾以離日爲大離日行天健爲乾馬壯是乾  
天行健及離日入地乃坤牝馬行地是坤地類順坤牝馬順馴致是  
則坤堅冰否塞乾馬壯健不息是則坤堅冰渙離泰通故乾健來內  
坤順往外乾不息者長坤馴致者消內健而外順是也則內君子  
而外小人之時君子大來臨大浸而長者于內君子三爻長之爲君  
子道長小人小往逐小浸而長者于內小人三爻消之爲小人道消  
故君子道長自冬至長日至長而春陰陽分晝夜半寒暑平爲泰帝  
乙東太平之方內三陽君子泰外三陰小人泰天地陰陽消息得其  
平泰平者也泰平三之爻是乾命卦謙之爻泰過之則大壯四爻乃  
小人用壯君子罔勿爲也夬五爻乃小人用壯君子決勿得已也是  
乃小人道憂時矣君子道長不願乎此以小人道憂君子道樂時  
乎豈泰之時乎故泰乾三爻可爲乾君子謙謙不可爲乾君子夬夬



這的个回子凡

則泰之象也是為泰君子道長小人道消也

象曰天地交泰后以財成天地之道輔相天地之宜以左右民

天地交是謙天道下濟地道上行成泰泰大來是天地小畜而大畜成泰大來大來泰平是謙裒大畜多益小畜寡稱物平成大來泰平而皆泰財成之財成坤之事坤為后泰聲應卦坤泰乾以美利利天下不言所利居西北而以帝乙出震歸妹后象齊巽為用則泰坤地二之后以應泰乾天一之帝而在東南是巽故西北乾為天子萬物處之是无而財成是天地左右是坤是艮其有皆在左右西南坤為財左東北艮為成坤也者地也地力財皆艮也者人也人功成而后東南巽當天地權星中宮位而后巽稱巽行權以財成左右之財生成莫富西南坤井井平民井有衡財成聚莫利東北艮市市平民市有權權衡天中宮后位司之為財成之用以左右民

周禮后立市  
駟琮宗后以

為權大琮內鎮宗后主之是故天地左輔右相西北乾天地以无出有窮則變變

則通使民宜之乾西北周禮天官太宰泰輔相職任東南巽后宮之

事東南飲食之卦噬嗑食豐飲內司后宮而外職賦式貢天地之財坤艮

西南東北財成左右西南坤為均為柄八柄九式式均也大宰詔王廢置乃是佐后生

成以萬物資生于坤元二天地之道如此后以財成天地之道者也

后財成在太宰輔相天地之宜以左右民者也泰平之基是也

天地始一二道交三人道合成泰交泰之象天地際唐虞際是也乾

一帝坤二后一二天地終始禪代之數乃西北乾終而以巽之東南

巽位帝后復出故書巽朕位否德忝帝位謂非泰也天地禪代之君

于天地一二道交舜是一禹是二于巽位一是帝二是后故堯命舜

汝陟帝位舜命禹汝終陟元后是也帝乾一其治主治天天主德羲

和麻象璇璣七政治天也九族五教主德也堯典舜典是也后坤二

其治主治地地主財咸則三壤庶土交正治地也成賦中邦主財也  
禹貢是也三代王天下者有虞氏後殷人周人唯夏后氏命之后爲  
其地平天成泰安泰之后是也泰大水泰輔相天地大事是馮河是  
坤地二后土之事非夏后氏誰當之故禹泰后是也

初九拔茅茹以其彙征吉

泰命卦乾泰初是乾初乾初是大過初初之九于乾初勿用而泰于  
大過初藉用之始也初爻當北方坎子地坎子壬癸天地終極一陽  
下動而三陽出用于初而始而初于大過藉用白茅之象用天地數  
乾初天一勿用不可拔泰初天三用拔而天三之剛茅也天地象巽  
爲茅初柔而有天三之剛震爻初剛而有地二之柔巽爻則茅茹也  
拔是泰三艮爻艮爲手拔拔天三剛牽地二柔初動升象泰初柔以  
時升而初是拔茅茹象泰是需變需須也需須材泰拔茅初否反泰

初小來反而大來而升用見大人離明茅明也北子地壬癸日月處坎亟心幽其時萬物于正北方坎冬坎亟心爲叢棘于西北方困終秋坎亟心爲蒺藜于東北方泰始春坎亟心爲茅皆日月處幽而坎亟心之刺以逆而生也故茅是明之象出地是北壬癸壬剛茅柔茹拔茅茹而幽日月剛柔相連而出明則是白茅者用于天地始交而天三陽用此泰初以象潔白有道之士升拔茅茹者其彙者乾陽卦從兌陽長稱羣坤陰卦從艮陰長稱類泰拔茅初是復卽否拔茅初是姤一陰一陽天地相遇初皆是來來皆志同其羣類上下各相半不可稱乾以其羣不可稱坤以其類于是比其羣類稱之謂其彙此謂其來之象方來旁招以茅象方之善祥者來而天地善士彙升拔茅茹以其彙者也是故彙來之象來逆茅也茅矛刺也泰始春矛助時生矛刺兵震所以出是宜用矛故泰初茅以矛爲義南征征

吉者也春兵尙矛秋兵尙戈戈句兵兌所以入是宜止戈故泰四戒以戈爲義南征征凶者也天地征之象皆是南征皆是以正北方卦正者往征之南征則當正北方北復用復逆來而後順往征之則吉是以茅其彙逆來拔之爲升南征吉之用拔茅茹以其彙征吉者也

是故泰初前茅逆來是刺其物象以其彙刺蝟也矛刺者是也天地萬物之象逆我來者吉順我往者凶逆我來者刺茅也茅剛也順我往者无刺茹也茹柔也剛吐之柔茹之而其彙之否泰分矣柔不茹剛不吐則拔茅茹茅明者升泰也

邦國若否仲山甫明之否而明泰是以升用見大人天地大人否者小來反而大來而拔茅離明者升升南征吉而泰征吉者也

象曰拔茅征吉志在外也

坎爲志泰初北坎子內對南離午外離用見大人坎用涉六川是泰

大來之志而初北坎子地天地一二日月同人明處幽在內而志在外當泰通茅明者拔則用北而南征吉而出在外拔茅征吉志在外也

九二包荒用馮河不遐遺朋亡得尚于中行

二泰大來也二爻當東北艮丑寅地丑是泰臨大寅是泰有大而能謙而二大來泰通道也二東北丑寅是丑屯寅蒙于西南坤為包泰之荒萬物屯蒙二大來德包萬物屯君以安之物蒙師以養之是包荒蒙荒奄也寅包蒙即泰包荒兪水廣泰包有四荒是奄有四海泰一二象一坎水川流天下无不通二離火日照天下无不周包圍也荒虛也離日所包包乎坤虛之外而坤虛所圍圍在離日之內是泰大哉乾元離日大為包荒象二動有明夷五箕子應二是洪範九疇洪大之象在二否反泰疇離祉疇範也範圍天地而不過為泰之



溫州不物



大包荒者也用馮河者馮馬从夂乾西北坤陰馴致堅冰否塞河出西北乾而河堅冰乃坤陰牝馬行川馴致乾壯馬天行坎陷明夷入地而河堅冰是坎其于馬為亟心為下首不上及東北泰通坤堅冰渙離離日氣上渙用拯馬壯明夷用拯馬壯河堅冰下乾健乾馬天行出用是乃洪範天陰隲下民隲壯馬也從坤陰隲上于陰坤夂拯乾馬上馮馬行疾也而泰馮河河四瀆長是伯河伯其名馮夷又冰夷皆河堅冰明夷用拯馬用馮河以命馮河徒涉涉大川自河始河出崑崙虛色白所渠并千七百一川名馮色黃渠并川河大川馮河涉川用震行步為馬作足而坎為亟心為下首者上河下涉而上乾剛健在坎下是則馮河用拯馬不陷逆涉上于沙于泥需沙泥疾去而河順行為需利涉大川河上涉而下乾剛健在坎上是則馮河不用拯馬陷順涉下需沙泥入于淵訟窒患至而河逆行為訟不利涉大川訟二變否天下利萬物莫利于河

周易

卷八



害萬物莫害于河河大利大害非乾馬健不涉坎險故馮河于坤馴  
 致堅冰而通是馬內健者用而河通之泰河用馮河者也河千里一  
 曲一直其流乾天行有震萬物生用九者行在河而為曲直故河曲  
 有九河重川中可居州河曲九九州方千里四海之內九州河潤  
 千里者九河遐也河來自西北无疆之方為遐河自西北而西南而  
 東北乾用九周流而有坤虛小者不及之方為遺小過泰包荒二五  
 中爻有未濟者濟河與濟水相貫在天地中濟濟也源出河北濟河  
 而南也南北濟是則泰馮河通既濟勿逐致遠以利天下致遠不遺  
 遐乾用九曲成萬物而不遺曲河用馮河不遐遺者也朋亡者泰二東  
 北喪朋乾坤六爻一六比坎朋二七比離朋三八比震朋四九比兌  
 朋而泰二天地中五土是洪範五皇極無有滯朋無有比德而以五  
 行中行土中為倚是天下所會歸而于四方渙其羣是朋亡故中行

遺而不通



者中央土坤黃中通理河通坤地紀黃中中黃離離曰包荒乾元大  
是泰有離二大人治坎一大川坎行有尚尚離而離得尚于中行中  
行戊己主中州西自崑崙東至碣石中央之極河濟相貫之州黃帝  
后土之所司者其令曰包裹覆露無不囊懷溥汜無私平而不阿泰  
包荒用馮河不遐遺朋亡者也天地正北方坎爲通子正在丑坎一  
正在離二得中道泰得尚于中行者也九二泰大來是也

泰乾坤剛柔始交屯滿盈不寧天地未平成洪水滔天泰荒屯草昧  
洪荒時也洪水河爲大泰馮河是禹貢冀州東北治河始河坤地理  
而出乾天行西北乾圍曲流而東北而東南是乾天行而河于坤地  
理逆西南坤方直流而東南而東北是坤地理而河于乾天行逆是  
爲禹貢逆河天地原委先河後海天地左海則是右河禹治河始冀  
州東北逆上左海逆入右河是爲夾右碣石入于河河碣石右逆者

也爾雅謂河曲者逆河逆河出崑崙墟在西北西北先天民西先  
天坎崑崙山下出泉水當西坎流東離虛歸東北震出為順河水出  
崑崙出其東北阪而河曲流屈從其東南流南至積石山言以西南  
流又西逕又西北于是西注勃澤稱鹽澤西兌為澤為剛鹵是也兌  
反巽入隱淪入地伏流勃澤河水之所潛巽伏是也故河有滅入无  
咸象有行出有恒象兌澤伏流所入當濃流上飛禽奮翮霄中无不  
墜于淵波咸滅入西咸池是也伏流沙衍之域其脈重源又發恒不  
已西恒河是也河潛行南出積石為禹所道河是河未入中國以前  
河屈流而逆行禹貢逆河所以命名也于其河逆禹是以逆治之冀  
州東北夾右碣石入于河始東北逆而東兗州青州東南徐州揚州  
西南荊州豫州梁州而西雍州以河逆而逆治東北碣石寅地秦通  
河之尾通于是道河之首自西雍州道河積石至北播為九河入海



龍門底柱以及九河同為逆河之流故曰同為逆河入于海非下尾  
 合海口有朝夕潮以逆河水曰逆河也禹貢冀州堯所都天地正北  
 方河以西坎水注北坤方是水土先天比不寧以西坎水注東北震  
 方是草昧先天屯不寧河以西兌澤注北坎方是後天困以西兌澤  
 注東北艮方是後天咸咸池滅害河不寧者不治是為四海困窮不  
 寧者治是為萬邦咸寧河泰安是也是故秦乾用九東北用以治河  
 東北寅天三木木三析而九之寅析木之津東龍宿寅是尾尾之星  
 九泰寅析木之津通河之尾析為九河乾用九泰通是也河津屯盤  
桓鉤盤高  
津徒駭馬頰太  
史駛皆馮河象是故河入中國河濟中土之州是豫先以豫防以防  
 逆河逆行冀兗河出東北陬屈從其東南流而河又逆行徐揚中土  
 豫防弗戒東北逆而東南是乃困則為徐夬則為揚此後天之患非  
 先天之事河東北艮止而從東南巽入是則蠱有事河魚腹疾民其



爲魚之患在東南决決河以西兌澤決向東南巽方是西咸池澤滅  
東南木道涉大川涉而大過過涉之凶大過上决決東南兌口決也  
此屈流逆河如此西咸池滅害如此東南蠱天行有事如此不可壹  
咎之人事是爲過涉之凶不可咎也故河東北是泰通之道河東北  
艮止以隄防故而從東南巽入乃鯀墜洪水河蠱壞勿成禹嗣興治  
河逆治河道東北上而順治河流東北下幹父之蠱先甲三日後甲  
三日豫防之先甲三日辛壬癸後甲三日乙丙丁辛壬癸甲霜降冰  
泮嫁娶之期娶于塗山先甲辛壬癸三過其門不入豫防河也先勿  
防後有患東南巽入巽爲魚蠱河魚腹疾魚謂之乙謂之丙謂之丁  
後甲乙丙丁微禹其爲魚豫防河也豫防之坎壬癸先甲離丙丁後  
甲先後旣濟思患而豫防之是也豫中土之州河濟濟豫防先于豫  
而防之是也是以河東北逆而東北蠱鯀績用弗成東南順而東北



漸禹行所無事東漸于海是也是以夏后氏泰后地平天成河泰安  
 用馮河者是也河經天亘地之水是恒河而變徙无常皆是咸池滅  
 害而恒河易方恒河終始數在乾用九內健河坤牝陰盛河水盛乾  
 健天行用馬壯以陽治之恒河得治故天地象泰有頤大過河道天  
 地經脈河道逆于頤拂經為坤失道坤失道乾失行而河于大過為  
 過涉是以河東北逆而東南困則徐尹則揚不可如何而大過澤滅  
 木之患見之後世而同為逆河古人豫防見之早矣故東南大過顛  
 也天地終始反復之數十二紀東北析木之次顛在東南龍宿尾之  
 星顛在東南東南河患當于東南辰地之東北播為禹九河治之禹  
河乾用九道以西南申出東北寅口是天地用而已地河且入江終  
涉大川之道東南辰地用此以治過涉泰河也  
 矣江河天地二大川江出嶠山西南先天巽流歸東南後天巽天地  
 象巽為工江原委先後巽為工而水从工江也河出崑崙西北先天

艮當流歸東北後天艮天地象艮為何何止人行又艮河原委先後負同荷河荷也艮為何而水从何省河也故天地以此始以此終江順理以此始不以此終河不順理乃逆河也而東南入江之象見矣天地反復道東南反之東北天地大象復回神禹復出是則乾又是屯天地始乾馬健泰用馮河之道固如是也

象曰包荒得尚于中行以光大也

泰二地道光乾道大離曰象離曰包荒行中光大象天地小大往來咸朋從未光大泰朋亡以光大泰光大之象朋亡以包荒見之以得尚中行見之皆泰離曰象包荒得尚于中行以光大也  
 九三无平不陂无往不復艱貞无咎勿恤其孚于食有福  
 九三泰中行過中泰大來大者壯天地子中行正在丑寅泰三在卯壯止不過能久中保泰者也三爻當東方震卯地震卯甲乙甲天三



溫州圖書館





乾盈乙地八坤虛三八盈虛乾坤否泰往來上下天地以東震西兌  
 為日月出入陰陽分寒暑平是以卯酉東西為上下天地際否乾四  
 下際三漸為否善俗而泰泰乾三上際四歸妹為泰知敝而否天地  
 反復道在乾三乃泰三反其類是也天地象平是坤方一面陂是乾  
 圓一面坤方平者无不于乾圓陂者一面往往而乾圓陂者无不于  
 坤方平者一面復天地平陂往復其道如此東西卯酉兌而震隨震  
 而兌歸妹隨有出門在道之義歸妹有期行反歸之象出門在道道  
 有平陂期行反歸期有往復天地盈虛氣候往來坤牛乾馬隨時出  
 入隨在道不有歸妹反歸是則天地終敝故有平陂往復而為窮變  
 通久之道是則天地以恒故東之震視西之兌是巽異繩直量震大  
 塗是見坤方一面平也西之兌視東之震是艮艮限列障兌大澤是  
 見乾圓一面陂也震東方也是方一面兌天地反復往來有東為益



卽有西爲損時而益利其平行地爲風雷乃復者平也時而損害其  
 陂升天爲山澤乃往者陂也天地引重致遠而平者陂蹇難跛蹇不  
 利東北危者平而易者反傾平是以爲陂之路无平不陂者也天地  
 反復往來有南爲咸卽有北爲恒時而咸速其往乾爲圓天地日月  
 且將入兌澤大陂之下咸入无爲澤山乃陂者往也時而恒久其復  
 坤爲方天地日月又將出震塗太平之上恒出有爲雷風乃平者復  
 也天地服牛乘馬而往者復解緩休解利西南陂者无所往平者其  
 來復往是以爲復之塗无往不復者也損益盈虛是咸恒終始天地  
 反復道以爲否塞以爲泰通皆此盈虛終始以相往來无平不陂无  
 往不復是也是故陂隄夷而下明夷艱者也復反復在中師憂恤者  
 也中孚失中泰大壯其孚窮者也天地之數至則反盛則衰日中則  
 昃月盈則食泰過中離日有明夷象坎月有師憂象天地間坤牝陰

遺而不恒



盛大水盛而坤月為滿盈之坎乾壯陽衰大火衰而乾日為戚嗟之  
 離是則天地乃頤中有物食之象泰命卦乾動在其中頤中有物噬  
 嗑食則乾陽物坤陰物其食之陰陽為乾為坤則在利艱貞者吉矣  
 明夷利艱貞為離日泰三陽一日二日而三日不食三同功五歸妹  
 是其孚坎月亦從明夷三日不食而三五同功其孚坎月十五日食  
 初三至十七是以明夷利艱貞當乾陽自治天地无平不陂登天即知入  
 地无往不復入地又出門庭泰是大畜變泰乾良馬利艱貞往有復  
 則三能止大壯三是泰大壯艱則吉咎不長艱貞无咎者也是故處  
 泰者當三爻地先後卦豐豐日中不可過但恤艱貞離日勿恤其孚坎月  
 坎其孚盈其象否坤信泰乾屈坎其孚不盈其象泰乾信否坤屈皆  
 在明夷艱貞但恤乾陽離日之艱勿恤坤陰坎月之孚當三爻泰勿  
 用壯則不有其孚窮象勿恤其孚者也是故泰而噬嗑食是其孚月



食坤陰物不是艱貞日食乾陽物天地歸妹月幾望月望日臣朝君  
 泰上下交之道君忘貴不可臣忘賤故月食必于望誅盛也月之食  
 坤之福是為泰陽勿虧陰勿盈乾坤上下保其泰平之象于食有福  
 者也是故泰通天地往來井井者通泰輔相井勸相泰馮河後平陂  
 往復井道有艱貞噬嗑食无其孚困窮天地坎離水火象食盈不食  
 虛是月食之常是以泰勿恤其孚困窮者井通泰通困食福井食福  
 而泰于食有福是也

象曰无往不復天地際也



往南復北天地際東西乾三畫坤三畫東西二分上下陰陽平際會  
 也上下四三爻交會其際相出入也泰乾三上際四坤四下際三天  
 地大義如此天地南北正子午在丑未是則東西卯酉在辰戌卯出  
 地辰乾上際酉入地戌坤下際東西天地際相出入東者出南往西

這四不也



者入北復南北无往不復乃東西天地際也三乾坤天地際乃四坎  
離日月剛柔際也三四東西平極望天地合其際如此故易陰陽日  
月魂魄卦氣反復于四三人爻三上際四卦出游行游魂四下際三  
卦入反歸歸魂游者往歸者復是以天地大歸魂卦歸妹反歸是泰  
无往不復不復則上際登天不下際入地乃明夷游魂天際翔是中  
孚精氣絕大漸不復天際不交地際上下離絕不反歸是則往而不  
復不天地際也故惟歸妹反歸反之地際坤坤一世復小來二世臨  
大來三世泰復是天地交天地際三卯春分解剛柔之際解无所往  
其來復其剛柔際是泰天地往來東西復道无往不復天地際也  
六四翩翩不富以其鄰不戒以孚

泰坤乾上下初二三爻為坎艮震三位象陽時大者方來泰大來四  
五上爻為乾兌坤三位象陰時小者已往泰小往而泰四當西北乾



戊亥地泰三反復道反否是西北乾地視泰初三爻又是大已往而  
 小方來翩翩者小大往來反復象也三四天地際泰三上際四四是  
 歸妹震爻否四下際三三是漸艮爻四震爻三艮爻小過否泰小大  
 往來小來而小往小過大來而大往大過大過本末弱以象小過中  
 間飛鳥是乃翩翩天地往來行天行地中行是泰大事大過弱而是  
 小過飛鳥言勝任乎是用天行健乾馬可知矣故否泰反復上下歸  
 妹漸漸鴻歸妹小大往來皆是大過上下本末弱否泰初皆大過初茅小過  
 是以有飛鳥之象焉翩翩者也三四翩翩反復道否泰反類是先有  
 內小人否者訟內君子口舌翩翩反復以至陰內陽外而小大反類  
 故反類上下是小過飛鳥三四有三艮爻謙輕少年喜事者進有四  
 震爻豫怠老成持重者退少年進則老成退是豫怠者大往其象漸  
 鴻倦羽翩翩者也老成退則少年進是謙輕者小來其象歸妹小弱

退而不物

袂翩翩者也不富者乾息卦坤消卦泰上下交是坤四支卦四支已  
于亥小畜富以其鄰申于寅謙不富以其鄰天地象畜者盈富謙者  
虛不富是泰上消卦上不富否下消卦下不富消不富是也泰二五  
既濟西鄰東鄰反否終亂南北其鄰往來而泰四象以爲泰己是否  
以爲否尙是泰故以爲否是君子道消翩翩豫怠者大往而外尙是  
泰以其鄰泰西鄰往上坤消卦上不富以其鄰以爲泰是小人道消  
翩翩謙輕者小來而內己是否以其鄰否東鄰來下坤消卦下不富  
以其鄰是則君子己爲失時而小人亦未爲得地也翩翩不富以其  
鄰者也泰二五坎離日月飛鳥象此其時日中己昃而月盈既食之  
候東西日月比鄰日己昃以西其鄰不富月既食以東其鄰不富月  
不爲日而戒且日不爲月而戒夜而盈虛相爲出入盛衰相爲往來  
鴻離陽大不戒之胤小而以孚候至大往來胤坎陰小不戒之鴻大

而以孚候至小往來君子不謀出處于小人小人亦不謀出處于君子而氣運終始相及治亂古今相符不戒以孚者也故泰四己是否四應初是否拔茅四尙是泰四應初是泰拔茅否初泰初當知天地有不可拔本本初不復反則三四否泰反復翩翩不富不戒以孚者皆以其候至而反復者反類矣是故天地否泰反類而翩翩爲之君子當如何也

泰三際四四歸妹歸妹以恒恒月也泰五歸妹月盈而四不富月食未盈之候坤虛晦者也翩翩歸妹獨將西行逢天晦冥毋驚毋恐後且大昌此泰四象四歸妹震爻驚恐五西行以祉元吉大昌翩翩歸妹之占是古繇辭而寓其象恒儀託體于月坎離日月漸爲儀往來月恒儀日月坎離弓矢射月貞疾恒不死月无妄之疾勿藥明日月進受介福于其王母于是設爲昇妻事往有黃氏占之其繇翩翩歸



妹也有黃氏坤也麻家靈憲論月用此象泰四象是也泰乾坤往來  
乾園坤方所謂用九翩翩為道規矩皆此泰四象也

象曰翩翩不富皆失實也不戒以孚中心願也

乾實坤虛泰四翩翩內已否內失實外尚泰外失實小大往來皆以  
不富翩翩不富皆失實也天地否泰大來反而小來不相告戒而其  
心以孚乃天地象雁用賓者翩翩往立鳥降者翩翩來是中孚其子  
中心願中孚初燕自願復小者來不戒以孚中心願也

六五帝乙歸妹以祉元吉

五泰天地交又是天地不交以歸妹天地不交象也五爻當西方兌  
酉地兌酉庚辛是震巽恒是夫婦之道以恒歸妹也五西方兌對東  
方震歸妹天地數天一地二天地數五十是有甲乙十日為乾幹乾  
一勿用勿用甲用乙始乙出也而東方卯帝出震帝乙也乾幹之干



道不

軌从乙乾乙天一也東帝震出后巽齊而應之西歸妹巽女君兌女  
 妹從乎泰之帝言其來歸巽后從乎泰之后言其來歸后六宮是所  
 歸兌妹也兌妹地二也以一乾九御二坤六統后六宮歸妹其位在  
 中宮也以東帝出之震視西兌見當夕是巽后而西視震乃東良象  
 因以西兌象每夕兌見當夕則是兌妹是乃天地歸妹象而帝乙乙  
 入也天地絪縕萬物化醇之道帝乙歸妹者也天地大昏之禮兌夕  
 昏兌昏妹皆取兌夕見故倪天之妹即帝妹西兌觀象皆觀之歸妹  
 大義天地法象如此天地法象帝王所本故履而泰履天一湯名天  
 一履也是謂易之帝乙為成湯帝乙歸妹成湯嫁妹之辭所自來也  
 泰三與五東西二分西歸妹卦應東解卦歸妹立鳥歸是陟立鳥蟄  
 解立鳥至是來降燕乃勝古者必立郊禘立鳥至之日后妃率九嬪  
 御祠郊禘東西候立鳥氏司分東解卦燕喜候至是乃西歸妹受福

解除不祥。所謂以弗無子。來有子。燕乙也。

燕乙即甲乙之乙乙春分來甲乙之乙春分候也別

乙鳥于甲乙之乙以乙乙辨之非

帝乙歸妹。燕來降。生子之祥。以祉也。是故天命玄

鳥降而生商。祀高禘。帝乙也。有娥帝立。子生商。歸妹以祉也。歸妹視

履履天一武也。以弗無子。履帝武敏歆。祀高禘。帝乙也。姜嫄居然生

子。歸妹以祉也。此皆言帝乙歸妹。天地法象為帝王所本。非狄簡吞

立鳥卵。姜嫄履大人迹之謂也。是故以祉祉徵也。徵為火。火出无徵

有離。大腹于坎子。震生徵之兌。故以祉徵也。歸妹其位中宮。帝乙歸妹

之燕避戊巳。避中宮坤后之位。是以地數一月三十日。坤月恒之數

為秦小大往來。陽生數歸妹。視履之道。其御見以小大往來為敘前

三五卑者先尊者後。後三五尊者先卑者後。月在中五六之期。戊巳

天地中合。是后中宮歸妹。燕避戊巳五六中宮之位。大來則小往。大

往則小來。而帝乙生子之徵。所歸兌妹。歸妹者也。生子帝乙降祉歸

妹以祉者也。否泰乾坤往來。泰始復否終剝。歸妹兌夕。晦朔前九後  
九十有八變。晦前二十七夕。至朔後三夕。七日泰復歸妹元吉。故乾  
用九變。坤用六變。坤用六變。皆乾用九變之。乾用九變。九九八十一  
爲宮之數。歸妹在中女御八十一宮之數也。坤用六變。乾用九變之  
九六五十四爲徵之數。歸妹以祉。祉徵也。徵九六五十四。其數有乾  
元子一。天地數五十有五其爲歸妹以祉元吉。故祉子之吉徵徵也。  
天地陽氣之元。泰子丑寅爲宮。生徵徵生商。商坤八。乾用九變之九  
八七十二。商之數也。天地之元。子黃鍾爲宮。天元未。林鍾爲徵。地元  
寅太簇爲商。人元子宮八十一。歸妹履行之申。申乾用九。當九夕歸  
妹。宮人也。未徵五十四。歸妹以祉履行之子。子乾元一。歸妹宮人无  
不利。宮生徵子之吉徵也。寅商七十二。歸妹以祉元吉履行之丑。丑  
一用九。大哉乾元。吉天地二宮。生徵徵生商。天地生人。小來大來。

歸妹元吉不過此也故子一生丑二子生商生丑二商兌有喜而不  
寧子生所謂上帝不寧居然生子生子是商兌者生如兌羊子无不  
寧難生象所謂先生如達生子是生商帝乙玄鳥候生商所謂玄鳥  
生商子生商所謂帝立子生商子生商子生丑是秦荒治水  
洪水茫茫禹敷下土方之候古以生  
為姓而商之姓子皆帝乙歸妹天地法象帝王所本子一生丑二天  
地生人始所謂厥初生民周姜嫄商有娥是在歸妹其道有如是也  
故否天地不交疇離祉皆上下是歸妹天地不交而天地人終始之  
道子丑寅三者復反在震帝乙在兌歸妹以祉元吉是也

象曰以祉元吉中以行願也

歸妹有其孚中心復中心願易之象願小志大皆出中孚故中孚信  
信以發志中孚中以行願歸妹五元吉兌二象是中孚中其子一  
願在歸妹元吉以祉元吉中以行願也

上六城復于隍勿用師自邑告命貞吝。

泰上是三過中上極則反下之道也上當西南坤未申地是否坤上

剝象城墉也城坤土艮成之始地上巽一爻坤離一爻坤而艮一爻

成之三積至九皆巽為繩直離為雉艮為丈積高有山附于地象為

城隅九雉以坤西南于艮東北視之是解上高墉城也艮東北隍城

池也无水曰隍城復于隍者城有山附于地之象上剝則反下是復

城是解上高墉之象上无所往則下其來復而上坤土位剝一解城

復于隍必然之事矣是以泰上乃否傾天地泰反否皆由豐窮大以

後上天際不接地際而有否傾之勢故城者豫所以介防盱豫是有

睥睨以此防人而睥睨者至盱豫怠也城者臨所以容保咸臨是有

衝輻以此保土而衝輻者至咸臨速也泰上極物力困窮城于葛藟

于艱脆泰上極人心解緩城且寇至且盜招上下不與其變不守是



則剝爛城魚潰窮大失居其資不留是則旅喪城雉亡此皆上窮剝  
 上迷復而以否傾城復于隍者也勿用師者師以地中有水為師律  
 城復于隍則隍虛壑城實填之是為地中无水律亡師于何有乃內  
 城池且墜豈外邑國能征復自省上復用師必有大敗勿用師可也  
 自邑告命者坤為自坤為邑泰上否傾西南坤對東北艮上下城是  
 剝隍是復復是泰復之坎子剝當復入勿用師出而坤自邑邑是凡  
 當知時反而否塞不是泰通而坎為通之方當同止之是以坎子勿  
 用師則當于申申命于辰辰告城復隍乃剝上大過顛下當先大過  
 兌巽卦上反下先告命是則先兌東南辰辰告巽西南申申命此大  
 過顛下復而始施命誥四方告命也泰上復反下坤厚土以剝厚下  
 于時告命當下安以止上危內治以定外亂復隍命既亂之在先自  
 邑命當治之于後自邑告命者也貞吝者坤為吝貞吝與貞厲一類

乾終厲坤終吝天地小大往來坤永貞之事貞而天地不交萬物不通則坤吝時矣貞吝者也

象曰城復于隍其命亂也

泰臨大泰上反下勿用師上大君命亂是故成天下土崩之勢者城復于隍其命亂也

泰往外泰六爻以上三爻乾兌坤卦位象陰一路小往下三爻坎艮震卦位象陽一路大來是泰上下卦于大來一路往往而是大往否上卦于東南南巽離家人于小往一路來來而是小來否下卦于南東南離巽鼎是為泰反否家人天地大義歸妹入內兌妾以養坎子得妾以其子在鼎利出否是也初坎上坤泰初終師初征吉上勿用師是也此泰六爻方卦位也






否命卦豐  豐繫渙  否聲應履  睽  歸妹 

否之匪人不利君子貞大往小來

物不可以終通故受之以否天地物生終始數乾始一坤始二皆初一爻始乾終九坤終十皆上一爻終天地四時終始節知通塞有泰通則有否塞物終通出用則天地无入藏之時矣不可終通故受之以否也否申七月卦爲乾三世卦于八卦相錯先天在北方坤後天在西南坤于卦相錯下卦天地錯乾上卦天地錯坤于六爻相雜晉比雜否萃剝雜否豫觀雜否于卦中爻雜漸五初雜觀二上雜遯于卦變訟變否无妄變否遯變否于類卦泰于六爻繫辭而命之否命卦豐豐繫渙豐渙動在其中節旅六爻聲應卦履睽歸妹此否卦也天地否泰往來泰候坎九五中坎卦小九五中小往而坎爲通泰通也否候離六五中離卦大六五中大往而離不有坎爲通否不通也



周易

卷八

三



否主坤泰主乾否之世不出于否坤而出于泰乾出于泰天地際乾  
 三人爻无平不陂无往不復反復道而否西南坤卦坤利西南得朋  
 得東北陽君子朋而東北喪朋喪西南陰小人朋泰朋亡是也而否  
 西南坤陰乃未遯小人否而申坤陰以否坤上卦泰外小人與否小  
 人內比坤下卦否內小人與泰小外比于是三无平不陂小人上  
 下比人淫朋比德西南申反東北寅人道乃反人類之匪人上下比  
 天地否比之匪人而為否之匪人者也此小人于四三人爻只知晉  
 進不知遯退否不也从口不不鳥飛上翔不下來天地離飛鳥象不  
 宜上宜下大吉否不下來則是君子吉不來小人否來之匪人也匪  
 者非飛下被相背反復翩翩象也匪者亡方也震東方離南方卦  
 坎正北方卦兌不言西方天地象東出有有方西入无无方人道以  
 出東泰陽一類有方之人正人其匪正非則入西否陰一類无方之

道而不物也

人匪人也。人道出東，尚震足行。行有方，入西，尚兌口言。不尚震足行，行无方，行无方而尚兌口受人，則君子言行道塞。天地有孚，窒變否。其匪正反復翩翩否口。否之匪人是也。不利君子貞是也。是故東北艮，人道陽一類出震。君子无妄利貞，是正不是匪。是同人泰志同利。君子貞而否匪其人匪其時。天地往來困致泰。豐致否，困西北兌坎。乃秋冬困候而困君子受之。君子貞于困節苦，困是君子節塞節通于其間。而天地于以致泰，則反為豐之時矣。豐東南震離，乃春夏豐候而豐。小人處之，小人小。于豐旅亨，豐是小人旅上旅下于其間。而天地于以致否，則又反為困之時矣。尚兌口口窮行无方行塞。匪人致之與同人。君子正道反，故同人利。君子貞而否之匪人不利。君子貞者也。其時大往小來，泰之大上窮，豐天際翔，大往其候，遭鴻雁而大者已逝，否之小下反，困入于幽谷，小來其候，立鳥蟄而小者何為。

是其象泰反否。大柄大權擅竊威福者，有內小人而大者往，小忠小信蔽鋼聰明者，有外小人而小者來。素餐尸位之臣，下觀顛若正色立朝之士，獨行摧如否之匪人，不利君子貞。此大往小來之象，所以成也。是則東南豐大為春夏，而否之時大往則已往矣。西北困窮為秋冬，而否之時小來則方來矣。皆泰反否，左右輔相非人，比輔也比之匪人而為否之匪人，大往小來，否泰反其類有如是也。

象曰：否之匪人，不利君子貞。大往小來，則是天地不交而萬物不通也。上下不交而天下無邦也。內陰而外陽，內柔而外剛，內小人而外君子，小人道長，君子道消也。

否西兌口，以象匪人。萬物實之，否口終虛，有入藏無出用。天地上下交道無，同人志不通。交道無，則天地上下躡畫相交者，正邦道無。于天為失，則于人為失。是則是天地不交而萬物不通也。上下不交而



天下无邦也。此其時秦反否。天尊地卑，上乾為君，天日尊，上極；下坤為臣為民，地日卑，下極。秦三天地際不際，上極天无地尊不成尊，是以上无民无輔，下極地无天卑不成卑，是以下无君，是乃天地中間離絕為否。否而否之，匪人是以上下于其中間，內比外比，離絕秦上下而為絕地。天通蓋絕地，天通以塞小人作亂之源，使無世在下，為天下有邦。以閉君子求治之路，使何生在上，則是天下无邦也。是故否，小人乃遯，小人否，遯小人浸而長，小來則君子臨大之象。大往至于八月，觀象見而君子消不久之候至矣。故君子觀我生進退，否命卦動在其中，有旅上下節通塞，以觀進退。內陽而外陰，內健而外順，內君子而外小人，是泰大來旅下。旅下坎下節通我生進內陰而外陽，內柔而外剛，內小人而外君子，否大往旅上。旅上離上節塞我生退而道消，長小大易矣。故泰小人道消，消在小人而不肖之心寡，是

以君子道長否君子道消消在君子而不肖之心多是以小人道長而無方匪人否者比比是也內小人心外君子面是匪人一身之否匪人而爲天下國家是皆變內小人心外君子面是天下國家人人身之否泰君子小人至此而消長易處君子不爲吏甚而小人必至剝終小人道長君子道消也是故君子者觀我生消長之道而世之否泰身之進退斷可識矣

象曰天地不交否君子以儉德辟難不可榮以祿

天地交泰財是必有天地不交否祿泰財君子平之民否祿小人專之已而上下日有相傾之勢否是也君子處否于匪人進則君子退德不累多財是以君子儉德難不犯非義是以君子辟難而于祿當否時小人處君子之位小人以祿爲榮君子同小人之類君子以祿爲辱以小人之榮榮君子不可也否不可之時也祿在庭難隨在門

不可辟也。祿在國，難棄在路，可辟也。是故大往不來，君子早已冥升。欲強以難而公之，弋何取？小來則退，君子早已肥遯，欲汗以祿而盜之，乘何招？儉德辟難，不可榮以祿。君子于我，生消長之道而進退早決者矣。



初六拔茅茹，以其彙，貞吉亨。



否初同泰初，天地一陰一陽始。泰初復出否初，姤也。否初爻當南方離午地，離午丙丁，是艮兌氣感而咸，姤始。姤否始，否初姤，巽為茅，柔道牽，拔茅茹上，泰拔茅，東北乾三陽拔之，坤地下，否西南坤地也。西南坤申，申神也，引也。神引出萬物，坤申三陰拔乾寅三陽茅茹，拔上萬物引出否泰反其類，否泰初其類未反，故初同是拔茅茹象。同是大過初，藉用白茅，象大過本末弱，本弱否茅茹，末弱泰茅茹，以大過本末反復之，否泰茅茹皆是茹柔也，皆為柔以時升之象，是拔茅茹。



于泰時陽大來拔茅萬物晉進于否時陰小來拔茅萬物需不進其  
時君子于泰往否來之候其已拔茅茹而出者且往在外辟難退其  
未拔茅茹而出者反來在內犯難行此其所以需不進而需須也需  
須茅茹象是也君子觀時變有可爲有不可爲初應四泰反否上泰  
四則下已否初其四初坤括囊賢人隱是內外小人與君子不辨其  
彙不可進此時之不可爲者也泰反否上否四則下尙泰初其四初  
乾躍淵進无咎是內外君子與小人不亂其彙可進此時之尙可爲  
者也故下晉進明出地上茅明也需不進寡君須矣拔茅茹善類不  
絕于天下乃能以其彙升否初象也天地初一陰一陽道始皆君子  
道无分否泰其志同其事類拔茅茹以其彙者也貞吉者否初无妄  
變此拔茅否初離午對泰初坎子正北方卦貞吉是正不是匪天地  
泰反否世路夷土風僞拔茅其彙匪正初離午咸虛之口以此否始



故貞則吉而吉則亨否拔茅茹其彙不異之泰貞吉亨則終來有泰  
通之時也此在下濟否之人是也

象曰拔茅貞吉志在君也

拔茅于陰爻姤柔升于陽爻復剛拔復小來臨大來拔茅貞吉為泰  
乾君子否初可復此初在君之志拔茅貞吉志在君也

六二包承小人吉大人否亨

否二與泰二反類反二五中坎離上下小大之類也泰二五通離坎  
通而既濟否二五反坎離反而未濟泰二既濟離曰是包荒而否二  
乃未濟坎月是包承以否二反泰上乃歸妹坤月以恒相承六二象  
也二爻當西南坤未申地坤為包包从巳坤土位申西南申包東南  
巳坤陰承乾陽包之地二承天一地四承天三地六承天五五六中  
包承巳東南重巽以申天地巽入之數巳皆以申包之申東包象也  
古文申也



乾皆以坤承之地承天月承日陰承陽之義天地象乾圓无闕不相承坤方有闕相承故歸妹之筐否之匪皆口方有闕相承是以離日圓不相承而于坤虛无不包泰包荒坎月其匡郭有闕相承而于乾實无不包否包承承而匡郭盈月乾圓食而匡郭虛月坤方闕復以包承故承筐无實歸妹坤做歸妹以恒履吉相承此天地不交否六二象包承者也承从手从月从收二爻西南坤對東北艮為多月為手收以承東南重巽多口而西南坤包承之東北東南震東方坎北方離南方皆坤口西兌口有闕相承

東北艮東南巽天地萬物出有

盡上下皆承乾而巽入口數皆艮手收而坤乃順承天包之包承是也是故坤承小人事以坤小人之陰承乾大人之陽是小人得所承為月承匡有實小人吉者也若以乾大人之陽反承坤小人之陰是大人失所包為日包荒皆失實大人否者也否不也包承非大人事也包承之世萬

物性情物剛物柔无不受之容容而唯唯包承小人易盡其力難盡其情小人以爲時包承乃身家之吉而大人以爲時包承乃國天下之否也小人吉大人否者也亨者坤申否成于未遯遯小來是否內小人遯在彼卦遯君子吉小人否否不好遯小人不所以否也遯在此卦否小人吉大人否否不也否包承大人不所以否亨也時可爲晉進上當位道亨時不可爲遯退下當位身亨亨通也天地通塞乾施物泰滑也滑出通坤承受物否嗇也嗇入塞時是坤嗇承事是則君子儉德辟難之時大人否其時也而大人否亨又其地也以坤包承嗇受之時爲乾包荒普施之地此坤乃順承天小人之否不足以否君子之泰大人否亨者也

象曰大人否亨不亂羣也

否天地困天地于困否則任之大人困大人吉否大人否亨困非大





人不能困吉否非大人不能否亨困吉否亨則有泰時泰吉亨也否  
 小來遯艮二陰小為坤小人陰類泰大來臨兌二陽大為乾君子陽  
 羣否亂羣乃陰類亂之又陽羣自亂之否聲應卦天地否有天地睽  
 別大小羣類同異而于二分小人大人泰臨大來不以小人處君子  
 之位羣不亂否遯小來亦不以君子處小人之位羣不亂是以否聲  
 應履中不自亂大人否亨不亂羣也

六三包羞



否三四是泰三四天地際往來否泰兩卦皆是一卦往來泰命卦乾  
 繫坤否命卦豐繫渙泰命卦動在其中頤大過否命卦動在其中節  
 旅故乾坤往來物豐則物渙頤口實不可自求大過當知天道有節  
 人道有旅反此道則反泰三食福而否三包羞矣三爻當西兌西地  
 與泰三爻當東震卯東西天地際相出入東萬物交際出西萬物交

退而不物...



際入東泰出者皆西否入之而否坤為之囊囊乃兌咸虛之口是否  
 口在也否三遯變遯小人否不好退好進否三四上下際四際三漸  
 卦漸之進羞進也羞从羊丑羊所進也丑象手之形是羞者兌象三西兌萬物觀頤求養否  
 聲應履禮也羞進當進以禮禮飲食有節酬酢有旅物豐物渙人人  
 以頤无有羞口實而否大過包之之道故西兌金氣物成熟羞由其  
 道可貴而羞也不由其道羞之又可賤而羞也否三公尊位初拔茅  
 茅潔三告公用圭圭潔泰三震視兌反巽益不可羞進者也而三有泰四反在  
 否三翩翩不富者求富西兌為口舌候翩翩羣鳥養羞羞求養百物  
 之情而公不用圭潔養羞下同百物漸之進羞進不素飽者求飽而  
 以坤腹包之乃包三羣醜包羞者也故三輔相位左輔比卦右相師  
 卦三泰反否乃左輔比卦反比之匪人為否之匪人在三三往來天  
 地際萬物東西相出入入之否三三匪人上下囊囊于其間饋食簋



實實于筐立黃庭實實于篚皆匪人包羞所入上入下坤括囊而否其咸虛之口未閉是也此其世左比樂往右師憂來師是輔相三公鼎位包羞所謂羞鼎是乃師與尸尸位羞籩羞豆包羞所謂尸羞此皆三不節不自節止是為不恒其德而以咸虛兌口受人人而否之包羞者也故否三兌酉地兌酉庚辛是震巽不恒其德否包承包羞皆在之皆三不節之事而天地履而泰者否有禮以愧厲之于否位不當包羞則曰下官不職于否匪人包羞則曰簞簋不飭于否不恒其德是婦人不從一承之羞皆不節之事包羞則曰帷幕不修皆否三象是也象不言小人以為此小人包承者而包羞也時而包羞尙何言哉尙何言哉

象曰包羞位不當也

此遯小人否在三聖人立象于小人不惡而嚴故包羞但曰位不當



信其无能以至于此不惡者也位不當即曰包羞恥其无能而居于  
此嚴者也故遯小人否不必以小人盡言之言包羞足矣包羞位不  
當也

九四有命无咎疇離祉

否乾坤上下初二三爻為離坤兌三位象陰時小者方來否小來四  
五上爻為巽震艮三位象陽時大者已往否大往而否四當東南巽  
辰巳地是對泰四當西北乾泰四于乾反否而否四于巽當反泰天  
地坤方來在西南東北乾圓往在西北東南往則有反復是以西北  
乾反復道而泰四反否東南頻巽則頻復對乾反復道而否四復反  
泰是故巽為命四東南巽對西北乾是姤施命天地萬物姤有復復  
有命有對无而言天地泰反否其命亂否反泰其命治反否西北乾  
乃乾入坤姤一陰一陰長為消卦萬物不通否入无是為无命反泰

東南巽乃巽出震復一陽一陽長爲息卦萬物道泰出有是爲有命是乃西北乾大君有命大君命否小人勿用有命者也无咎者東南巽出震當反泰天地悔禍萬物反生是震无咎咎過也命出有咎入无天地有者可以有爲而有命則天地无者可以无害而无咎有命无咎者也疇離祉者疇井田一井爲疇井九疇九範圍天地疇之範圍坤方圓西北乾爲天三西南坤爲地三東北艮爲人三皆齊之東南巽三三九而爲疇是東南巽辰爲天田壽星之次田从壽而爲疇否四反泰泰食福食之疇泰后夏后氏天錫禹洪範九疇是也東南巽辰天中數五是疇五福一曰壽疇之次壽星也二曰富疇之位天田也五曰考終命疇天數五辰東南五帝盡事考无咎乃有子考无咎命終而有命始震反生有子祉也祉福也泰食福否疇離祉是也離者天下治取諸乾坤不在否在泰而先取諸噬嗑食噬嗑食而先取





諸益耒耨利益耒耨利而先取諸離離生人命火萬物出有之徵東  
 南巽作結繩罔罟田田罔罟布之九州田九疇百穀草木麗土皆徵  
 之離而生人有命无咎之象坎子出有徵之離物蕃祉可見疇離祉  
 者也此即泰歸妹以祉四東南巽辰與歸妹西兌酉合中孚其子利  
 出否而泰帝乙東方震出東南巽以祉者出則萬物出否祉是也此  
 初以其彙貞吉應四故下有濟否之人其在四乎

象曰有命无咎志行也

坎為志震為行坎萬物復有命震萬物出无咎是為否反泰坎志震  
 行有命无咎志行也

九五休否大人吉其亡其亡繫于苞桑

天地否泰消息否坤消泰乾息而息卦以坤消入靜而後乾息出動  
 乾出動乾有臨大者來必先否有蠱事包承先甲坎壬癸萬物復有





命而後甲離丙丁萬物復否疇離祉泰反泰帝乙後甲而天地相承  
繫之先甲之地大人否反而吉此九五事也五爻當東方震卯地震  
卯甲乙乾坤否反泰否五東方震對泰五西方兌是天地隨時入息  
休息也否命卦豐與時消息者休息否命卦有節通塞旅上下時而  
天地復反閉關入息節不通旅不行天地以休復以休否故休息也  
假也暇也逸也否之運乾天行動極而晏息震帝出勞極而倦勤故  
以休否而其間失得存亡之事天地必有假手之人萬物必有息肩  
之地而天之假我則休否之運在之所謂以承天休所謂俟天休命  
天地心于萬物出震之地動極而反坤午乾馬而以入息乃可復行  
故天地心休復休否者是故民亦勞止汜可少休當休否時也上  
帝引逸有真不適逸不有休否人也天惟五年須暇之子孫罔可念  
聽不有休否人也故休否其唯大人天地豐致否致之遯小人而否



困致泰致之臨大人而泰豐豐離日尙大時晦我養物覩我作大  
 人也二應五小人吉反而大人吉乃大人否者否休之萬物困而有  
 天休命復反是以困大人吉而休否大人吉者也其亡其亡者否泰  
 往來天地恒象恒不死中未亡而否三與五同功包承包羞中心其  
 德不恒亡否中爻漸陰絕類陽離羣漸不復亡國家安不忘危治不  
 忘亂存不忘亡其亡其亡大人否之心忘亡亡无日矣故繫于苞桑  
 者苞豐也本也苞桑日之豐本在寅豐離日能久中中未亡其豐本  
 在寅而寅豐本是苞桑繫系也系是蠶所吐忽天地否泰之初治亂  
 在治忽存亡其亡也忽焉蠶所吐忽蠶所食桑否五東方卯蠶爲卯  
 房星之精桑爲寅箕星之精寅離大人照四方之始寅出卯日出有  
 泰光大西咸池酉入戌日入无否滅亡而其亡不亡亥震木根寅離  
 火根震離木火之根是爲豐本天地子丑坤黃中桑中央之木是有

黃離離日天一子出寅乃天一在木下是本本下一地乃天一在木

上是末所謂日出樽桑下是本日在桑榆上是末故否五東方東

在木中而寅苞桑是為豐日中豐本蠶食桑所吐忽系相繫否五東

否是蠶乃天地包承續終其系繫之寅而離日一陽子起丑為否其

象至危至微而繫之至固其亡其亡繫于苞桑者也是故苞桑離大

人也其亡其亡大人之心此大人之心天心已舍繫之人心已去繫之休

有復復有泰泰荒草昧經綸其存亡系續皆此苞桑故帝光天之下

至于海隅蒼生文王不冒海隅出日蒼生震生出日離出皆此寅苞

桑震生離出豐為帝王之治所本是為明出地上失得所繫其亡其

亡繫于苞桑是也

象曰大人之吉位正當也

大人之吉大有休命取諸乾坤而休否五二天尊地卑位正當是五

大人否者吉。大人之吉，位正當也。

上九傾否，先否後喜。

否上對泰上，泰上爻當西南，坤否上爻當東北。艮否泰反其類，至此而極，天地无平不陂，无往不復，无往不復，泰上極之城復隍，无平不陂，否上極之否終傾，陂乾園一面平，坤方一面附之傾，而否復是坤方不平者附之否傾，蓋否傾有傾之者，乃否之匪人傾否之人是也。否聲應歸妹，包承，包羞，承筐是乃匪人筐之器，小人謙輕器盈則傾，不是坤厚德載物之器，否塞則盡傾，而是虛器，故承虛筐，小人本來之具而傾否，小人必至之勢，是其勢成勢敗，上當西南，坤東北艮則是剝變筐盛物，城盛人而小人无平不陂者，否上極剝反下城復于隍，傾否者也。傾頭不正象，乃大過顛棟，橈則否傾，以東北西南天地數倚，天數起子黃鍾，子丑寅泰，二是參天地數起未林鍾，未申否二

是兩地丑當未兩地是坤方平一面棟隆申當寅參天是乾圓陂一  
 面棟橈是故否傾之理出于數之倚數之倚出于象之橈西南東北  
 天地其數倚其象橈而否上无平不陂極之傾否是也先否後喜者  
 否聲應履睽歸妹否泰二卦乾坤其彙同人天地人終始歸妹相承  
 在否包承同人于否泰東西震兌二象先號咷而後笑先否後喜之  
 象見之否包承後矣易先後象皆有卦先後天義故乾坤六位同人  
 先天卦天地定位先否而後天卦萬物出乎震後喜先否天地先履  
 兌先號咷者否後喜萬物後履震而後笑者喜故震為喜否之喜坤  
 腹包有震子是為否三上艮兌爻乃否包羞先否而使過有喜後喜  
 乃先難生否後易生喜是損先難後易而否先否後喜是以睽于先  
 否先張弧後喜後說弧睽先後之義否之喜先後象也天地否泰反  
 復傾否泰上大過顛否以傾則天地出否故否包羞坤腹包有主器



退而不回

長子是歸妹天地大義泰上大過顛有鼎否反泰上復反否鼎顛趾  
利出否傾否而歸妹得妾以其子先否後喜是故乾坤否泰往來往  
在先來在後天地先後天卦其先後皆先否後喜而其否泰平陂天  
地易使傾危使平易當殷之末世周之盛德而否泰往而復皆先否  
後喜是也而天地小大往來之卦反復者盡矣

象曰否終則傾何可長也

泰象坎否象離泰爲坎中心泰通否爲離大腹否塞天地久長之道  
坎常德行可常而離死復繼故物不可終離何可久何可長天地否  
泰坎離往來而離過中昃則有否傾之象否終則傾何可長也

否來卦否六爻以上三爻巽震艮卦位象陽一路大往下三爻離坤  
兌卦位象陰一路小來是否上下卦于小來一路往往而是小往泰  
上卦于西北乾坎訟于大往一路來來而是大來泰下卦于北西





北坎乾需是為否。泰天地始訟否口訟窒否塞君子需不進不犯  
難否以辟難是也初離上艮否初終賁否坤賁如皤如有喜先否後  
喜是也此否六爻方卦位也

卷止

受業瑞安洪咸校

温州圖書館藏



周易指卷九

青田端木國瑚撰



同人命卦中孚 中孚繫小過




同人聲應謙



同人于野亨利涉大川利君子貞

物不可以終否故受之以同人物終否終在東北泰地物終泰終在西南否地否西南申泰東北寅申寅是天地同人道萬物否反不可終否故受之以同人也否泰天地與同人人三者東北寅艮爲人而人之道不可有比之匪人比之匪人履虎尾啞人者也聖人作易辭從其類故艮爲人 人身象具 艮六爻 艮其背不獲其身行其庭不見其人否之匪人履虎尾不啞人以及同人于野象辭一類皆爲同人人道言也同人申七月卦 寅至申七 七人道 爲離歸魂卦于八卦相錯先天在東方





離後天在南方離于卦相錯下卦水火錯訟上卦天地錯明夷于六  
 爻相雜離比雜同人艮隨雜同人屯旅雜同人蹇噬嗑雜同人謙无  
 妄雜同人豫家人雜同人晉既濟雜同人益小過雜同人剝革雜同  
 人震漸雜同人賁萃雜同人否明夷雜同人遯復雜同人咸頤雜同  
 人豐觀雜同人卦于中爻雜姤五初雜二上雜皆同人姤于卦變乾  
 變同人于類卦師六爻繫辭而命之同人命卦中孚中孚繫小過中  
 孚小過動在其中離坎六爻聲應卦謙此同人卦也同人始天地一  
 二天地一陰一陽生人八象形一陰一陽故同人中爻姤天地陰陽  
 始相遇成同人天地子丑正北方子天一丑地二天地二同人象子  
 一日丑二月日月二同人象故同人命卦中孚中孚上下臨二地爻  
 二同人觀二天爻二同人而中孚中小過二人爻二同人合之皆為  
 乾同聲應同氣求之同人而同人命卦動在其中離坎二同心是乃



天地一二日月同人象同人子丑一二比一二分南北一坎子二坤  
 未是同人子丑一二比同从口从口曰重覆也臨二畫日月有觀二  
 畫在上是重覆乃乾圓冒坤方臨日月兌見日同人合信在觀天重  
 覆日象下同合會也同人是離比合卦艮隨合卦離明日月比同人  
 艮斗星衆隨離明日月比大同人乾天行同人一陰一陽分背行  
 而東西左右有合會爲同人野者坤爲野丑之衝未是坤野乾坤六  
 位分陰分陽有十二分野野外也是睽外天地同人同有天地萬物  
 睽北子丑一二同人一二成三則一斗二日月睽以同而異睽丑  
候分  
 分背左右行而子丑于寅亥于卯戌于辰酉于巳申于午未是于役  
 于坤十二野乃同人睽而外野也未地二林鍾子天一黃鍾萬物下  
 生種之未地二同人比皆比而同之于未坤野而天地一二子丑而  
 午未日月同人有十二野合會之辰而斗星衆大同人有陰陽合辰

三三

十二野于役之事同人于野是也坤未野東井日月星同人正正之  
 未東井而于丑十二野正是同人道亨故西南未野坤也者地也井  
 德之地未野野郊外同人于郊六鄉地同人于野六遂地西南野坤  
 二兩地耦同人二人一耦之地乃比耦同人兩作井萬耦同人致役  
 于坤皆睽以同而異坤西南離兌睽而同人比而同之于坤井野同人于野  
 是也是乃同人道通野九夫為井井十為通同人通天下志在井通  
 通十為成成十為終終十為同同人比方建國在井同同十為封封  
 十為畿同人建封同方百里諸侯列國比而一同比建萬國親諸侯  
 同人通天下回匝周乎九州九野同人于野是也是乃同人道通亨  
 者也利涉大川者野有遂溝洫澮川々々深々々之水會于々澮  
 吠澮距川決九州距四海皆同人于野涉大川事也天地同人涉川  
 之道取同人嗑合而同不取同人睽乖而異故離日月同人兩作離

造四不...



于兌則西南坤有睽乖巽離于震則東南巽有噬嗑合同是以同人  
 離相見在震出門而同人則以東南齊乎巽同人合同故大川三上  
 下盈是西北三涉大川以象西北乾大事同人合同大川利涉乾大  
 川西北不通之地同人應乎乾而乾大事師大衆同人通天下志而  
 无不通利涉大川是也利君子貞者物不可終否受之以同人否不  
 利君子貞而同人利君子貞天乾行元亨之道東南而利貞之道西  
 北西北乾大川乾行是則西北利貞非君子正涉大川利乎故唯君  
 子正能通天下之志同人志同而以通西北乾大川不通之地西北  
 利貞者同人亨利君子貞是也是故否受之以同人否不利君子貞  
 同人利君子貞而否復泰通者也

彖曰同人柔得位得中而應乎乾曰同人

同人二人是兌二畫為離一耦故麗澤兌

同人門曰朋同志曰友麗離  
 同人朋友是兌二畫麗離





也陽卦奇震坎艮皆一九奇陰卦耦巽離兌皆二九耦陽一君而二  
 民奇陰二君而一民耦二九耦也耦坤陰卦故同人者坤柔道以陰  
 耦陽一陰一陽是同人二人同人以離一陰同乎坎一陽卦爻六則  
 有六陰同乎六陽同呂也呂旅助也天地同人之道一陽間一陰其  
 間即以陰助陽而乾六陽以得乎同人之助故同人道中孚得中同  
 人和應同人和之道得而天地陰陽合同者也是以師二以律同人  
 二于宗律陽六律同陰六同呂也師以律是在太師同于宗是在宗  
 伯六律六同之和以辯天地四方陰陽使之合同為天地同人以應  
 乾乾與時偕行之用與時偕行天地中聲損益上下而應乎乾在同人二也同人二  
 是乾變坤二乾變坤二二坤中宮乾有坤二以同人而德不孤坤二變宮坤二離二離有變徵  
 柔以同人二柔得位以中孚二柔得中柔得位得中而應乎乾乾五  
 坎爻是同人合卦離之比象為天地剛柔正二同人合中孚心中聲

溫州不刊

坎離同人同心而後同人聲應同人氣求天地陰陽合同聲氣和而  
乾保合太和之道在同人矣是以柔得位得中而應乎乾曰同人同  
人天地始子丑大呂合子黃鍾同人得合陰助陽生丑之衝未林  
鐘天一生地二地二生人三而人三同人成衆寅太簇同人子得丑  
而寅志通是物不可終否受之以同人泰通人生子寅太簇之律通  
也天地同人之先相生而後言相克先相生天地同人聲氣之元  
一二比宮生徵坎子黃鍾爲宮生坤未林鍾爲徵其相生坎坤比是  
也天地同人變而通之聲氣之元一二同人合變變宮生變徵乾亥  
應鍾爲變宮生離午蕤賓爲變徵其相生乾離同人是也此天地同  
人聲氣之元比而合同皆子丑一二爲同人始而應乎乾者皆應也  
曰同人者曰爲文王言文王文德小畜而大有與人同物必歸焉故  
柔得位曰小畜柔得位得中曰同人柔得尊位大中曰大有是謂文

王作易小畜人之所助同人天之所助大有是以同人同聲言曰嗑  
嗑合聲相應曰爲文王言曰同人者也曰同人同人曰者同人同聲  
言曰嗑嗑合聲相應是豫作樂同之豫故同人彖曰同人同人曰豫  
彖順以動豫豫順以動其辭同以豫則陰陽十二震起艮止嗑合同  
聲爲同人曰上下聲應道曰同人同人曰者也

同人曰同人于野亨利涉大川乾行也文明以健中正而應君子正也  
唯君子爲能通天下之志

同人乾九二兌同人二同心于作易者曰小畜曰大有皆曰同人二  
同心之言曰之同人曰是也易六十四卦書不盡言易日月二同人  
曰易曰是同人曰同人乾九二兌乾六爻唯九二兌是同人曰易  
曰易曰于九二重言以明九二乾爻變乃同人卦也凡易易曰皆明  
其爲乾九二兌是天地易日月一二同人于書不盡言之同人曰







是也。同人是兌二畫為離一耦。是以兌于履應乎乾，離于同人應乎乾。應乎乾，唯履同人見其以同人卦離履卦兌則同人之象為履。不啻人履應乎乾以履卦兌同人卦離則履之象為同人利涉川。同人應乎乾，故乾行唯同人卦。別天行言之，應乎乾唯履同人卦。別應乎天言之，以見乾二是兌二畫為離一耦。履卦同人卦同人履行天乾行同人履涉川。乾行同人履涉川，莫大于乘四載決九川距四海。此乾行利天下大矣哉。此同人乾九二象同人于野利涉大川是應乎乾乾行也。同人離文明乾健文明以健離中正坎應乾五坎爻中正而應。應而同人君子利貞剛柔正而位當君子正也。君子正坎離南北唯君子通天下之志。兌震東西震兌春秋之所治天地萬物事同事類自家人內而通天下睽外志通故同人通天下志家人內是同人宗為宗族天下睽外是同人大師為京師天地大同人一二臨

大則同人曰臨大有臨天下之言有臨一國之言有臨一家之言是以春秋重志一家同人志私一國同人志公一國同人志私天下同人志公春秋謂之鄭志謂之宋志非天下志通天下之志唯一二大同人臨大者正君子正正一止乃坎為通坎為志坎一艮止子丑正北方同人一二正之此君子正也唯君子為能通天下之志

象曰天與火同人君子以類族辯物

天地一水二火成在臨二臨或與天與水天與火有相與同人親有相與訟不親或外辭臨或與外有睽卦異以見同人卦同同人離萬物成形地成象天日月星眾皆象離為本天者親上天與火同人是也類族辯物者乾坤六爻天地數類族在三辯物在二族子丑寅天地人三族物子丑陰陽二物而以天三生人三族二物于同人類而辯之故寅太簇族也丑牽牛牛物也萬物數起丑二牛子類族在一勿用牛半从勿物



通西不物...



三三乾九族辯物在二二坤六六物是以九族而父子孫上殺下殺旁殺是天地人三族類之而同人親盡矣天子土揖庶姓時揖異姓人天揖同姓是天地人三族類之而天下同人親盡矣同人天數九而三之二十七同人之族以大夫有家而眾盡乎同人矣此類族是也六物一在天歲時日月星辰二在地草木鳥獸蟲魚是天地陰陽二物辯之而同人天地萬物情見矣同人地數六而二之十二物上不過同人之物以土宜之漙而生盡乎同人矣此辯物是也同人卦同有睽卦異天地睽萬物睽同人類而辯之皆天地人三族天地陰陽二物其事同其事類天地物類去其所與異從其所與同而已故同人者君子以類族辯物者也

初九同人于門无咎

同人初離之震爻先天離當出後天震離明出出之寅艮為門而萬



物乃于震出門震出則是兌見而初同人兌二人于西兌見初爻當  
 西方兌酉地兌酉庚辛是震巽二同人始日月恒象兌于東方震卯  
 西東西天地日月同人相出入之門日月陰陽二氣西入戌入之以  
 東方卯卯出辰出之以西方酉卯且日出昴門故西方昴宿昴門開  
 酉昏日入房戶故東方房宿房戶閉春日在昴月同之秋日在房月  
 同之日月同人相出入于門卯酉天地門戶是也而西兌酉地是乃  
 同人于門是以兌于東方震隨出門交有功在同人初故同人離相  
 見即在于門是初天地一二陰陽之象二于門賓一于門主同人于  
 此而始而同人无妄物類正匪正即于此而辨同人命卦中孚萬物  
 當離相見皆志在同人出門不願為中孚居室而中孚善出應之不  
 善出違之當于同人門未出反而自克則同人于門之道也同人初  
 一二士大夫位為士大夫相見禮同人通志贊志也士志在死節雉

造而不物



大夫志在時雁志在羣羔士相見雉下大夫相見雁是離見以見志  
 雉雁離也上大夫相見羔是兌見以見志羔兌也同人親家人合卦  
 同人一二進漸合卦士相見主人曰請吾子之就家也又曰固請吾  
 子之就家也請就願見者家人內親辭也主人曰不敢為儀賓曰不  
 敢為儀不敢以漸進為儀而行同人敵禮也此士相見禮是同人初  
 士位出門交之象是故西兌見乃東震出同人隨出門天地陰陽二  
 氣交其陰入之門即陽出之門而在卯房其陽出之門即陰入之門  
 而在酉昴是以出門交有功陰陽左右交而出門无妄交則咎在于  
 門同人初震交君子正震无咎而初同人于門无咎者也

象曰出門同人又誰咎也

同人有隨出門是出門同人出門是家人內而出睽外則見惡人以  
 辟咎當初自辟之咎各人也同人初不在人同已而在已同人已出

門而人異同善惡各人未辯咎任之誰出門同人又誰咎也

六二同人于宗吝

同人二是兌二畫為離一耦是乾一畫坤一畫比而為耦在二為兩

地而離明兩在二離比合同人是也二爻當西南坤未申地未申是

坤兩地離明兩日月出地上同人二乃天地子丑一二象曰乾一畫

陽一日之一羣陽宗月坤一畫陰二月之二羣陰宗而天地子一在

丑二丑二乃坤未地統宗也坤兩地坤申九兩宗以族得民故同人二坤于東北艮

坤艮人道好謙艮為人是艮寅人而坤申同人艮丑宗而坤未于宗一二曰

月陰陽宗兩地而東北艮人道乃在西南坤地道未于丑而一二陰

陽同人親之宗在之同人于宗者也宗从宀示白交覆屋示象神

故天示象三丑一合三三一二曰宗月宗三星宗皆在丑三宗丑統日月

星而同人親是有三宗有小宗而無大宗有大宗而無小宗有無宗而莫之宗乃乾三人子丑



溫州不刊



寅天地數子一祖丑二宗寅三乾父而宗以丑地二親尊祖天一尊  
 故宗尊祖廟也東北艮為宗廟同人觀豐合卦豫家人合卦益小過  
 合卦觀神道宗立廟設教家人假家假廟豐日月配主豫日月不過  
 以配祖考而小過其祖其妣配合為同人宗而同人二人象過而益  
 之則其象不設而益遷改此同人親乾天數祖天一不遷而三而五  
 而七廟數北子虛危為宗廟廟以有貌无天數子一至午七七廟不  
 有二宗大夫三廟  
 有大宗小宗矣其祖妣小過過而益之則遷改此同人親宗法也  
 同人道合之門以外先合之門以內門以外國門郊門以內廟門宗  
 天地東北卦解萬物解圻離其本根出外而同人宗收族合之廟門  
 內先合一二陰陽配主自內出者無匹不行自外至者無主不止是  
 以同人于家人內睽外其同人交合禮皆行之廟門以內以示同人  
 親也以示同人于宗雖睽外而親之宗之皆是家人內也故同人親



始別生分類別生姓也分類族也別生別之子別子為祖繼別為大宗繼禘為小宗而大宗伯人鬼則始先王親邦國則天下宗同小宗伯宗廟則辨廟祧別三族則門內親疏是則同人宗而有小大也皆西南坤同人于宗者也春官宗伯西南坤吝者坤為吝宗遷主也同人親盡而坤以藏之是二同人宗有師憂伊尹百官總已王徂桐宮居憂傳說命總百官王宅憂亮陰太保召公顧命王恤宅宗入廟即位上宗奉同冒同爵以同天下冒主以冒諸侯同者家人內宗道異同者睽外天下同人道也故授宗人同同人于宗道也皆師憂事其君其臣國有易主之哀其祖其妣廟有易主之恫是為坤藏吝事是以同人主震出乾行不主震入坤藏震出則同人外同之天下不震出則同人不外同之天下而內同之一家人其親同人宗止矣良門以內坤以藏之象則吝之謂也同人于宗吝者也

同人于宗



象曰同人于宗吝道也

坤吝而曰吝道異乎上窮吝之謂也以同人于宗吝是其道同人宗不同之家人內而同之睽外則有厥宗噬膚之象不是同人于宗矣故同人配主人廟稱宗坤所以主藏爲萬物宗乃坤爲吝之道如此而二爻在之同人于宗吝道也

九三伏戎于莽升其高陵三歲不興

同人三不言同人乾三四人爻重剛不中三同人反復不成同人二人三爻當南方離午地離午丙丁是艮兌損三人有三不同行象天下事同人君子與人同必有不同者與之敵而不同卽在同人中而有所不同者也同人中而有不同伏戎于莽是也同人兌爲澤象莽澤草兌爲澤伏有離象戎離兵是兌爲澤莽草伏離戎兵而中有巽象伏之出之同人中而有不同伏戎于莽是也亦从戈甲甲首所謂戎





首甲冑戈兵所謂離戎易五行震木行為主木去水坎盜金毀木兌  
 寇木來火離戎震為主出門天地甲坼解而離而不同人伏莽三南  
 方不同北方坎心乃離而人各其心各人之咎而戎于莽自我同人  
 睽異而不知之出門同人又誰咎也同人震漸合卦賁萃合卦同人  
 伏莽蒙象同曰重覆蒙乃同人兌澤震萑葦反而是莽艮覆是不虞  
 而戎器于莽重覆下萃聚是不同人漸離羣醜類乃離之戎伏之飛  
 鴻行列于艮覆兌澤之中而為蒙之寇伏戎于莽者也升其高陵者  
 同人三離于北方坎天險不可升地險山川丘陵可升其高陵謂伏  
 之飛鴻行列漸于陵者下伏是巽為伏巽為高而是艮為陵是其高  
 陵是為同人合卦漸終莫之勝賁終莫之陵其高陵也高陵以升震  
 足躋之于震躋于九陵是于同人升其高陵是故三伏戎于莽蒙象  
 不同人者三設覆以待三應上天險不可升升上則應三擊蒙升上

道而不物也



擊三。是入伏戎覆中。四應初。地險山川丘陵。升四則應初。不應三。困蒙升四。困三是不入伏戎覆中。是伏戎萃聚而升不來不來下擊之。而以升上困之。而伏戎于莽者。形見勢誥。其蒙三覆以不發發之。以不擊擊之。伏不能伏。不能起。而以困蒙困之于莽。我以全同人。人力而盡有其不同人地勢。升其高陵者也。三歲不興者。三不同人。與北坎心相離于坎。三歲不得天地同人善惡陰陽。此與彼廢不得並興。是以相敵同人命卦中孚得敵。以三小過過防爲防。此伏戎興起也。伏戎于莽。設伏所以來敵。來而伏起。其伏氣倍起。得而升其高陵。料敵而升不來不來而伏起。其伏氣喪起。不得同人之世。同人興利而內有不同的人興害。此其伏戎于莽有形亦于莽無勢。有形示以形高陵。所以制其心。無勢禁以勢高陵。所以易其慮。彼不恃以有勢。我可消之。無形伏戎不興。是其效也。歲木星歲从步戌卯萬物興戌萬物

不興三歲子亥戌同人者有道歲所在不同人者無道歲所去歲所去三離之午直子至戌歲不興者三不同人者有廢而无興也三歲不興者也

象曰伏戎于莽敵剛也三歲不興安行也

伏戎艮覆艮上下敵應不相與而伏戎小人柔伏君子之剛以升則不揜在覆下而于莽柔伏乃敵者剛可知敵剛也當兌同人世而為不同是則不應乎人不順乎天三歲不興小人不同人者安所而行安行也不同人而有同人是則順乎天而應乎人三歲不興小人不同人者安所而行是則君子同人者安然而行安行也

九四乘其墉弗克攻吉

同人四不言同人乾三四人爻重剛不中四同三反復不成同人二人四爻當東南巽辰巳地應初爻同人于門兌酉地為中孚天地同





人地臨二爻同人天觀二爻同人小過八二爻不是同人而中孚上  
 下同人臨觀之義小過二人爻當戒反復乃同人命卦也是故中孚  
 言行天地東西震兌二象兌言震行二者為一人一身之同人所以同  
 天下之不同恃此言行于二初地爻積升二初坤兌臨二為高丘陵為厚垣  
 墉用此物也墉城墻泰謂城同人謂墉者墉庸也象坤土震為庸震  
 庸用為以出于同人庸功墉也城成也象坤土艮為成以出于泰成功  
 城也是故墉庸同人乾同聲同氣乾庸言庸行為同人墉古帝王言  
 行興廢堯舜桀紂善惡不同為上二爻同人誠觀之人在明堂四門  
 墉同人門墉是也故天下同人百里一同建國不能五十里曰附庸  
 以震庸功附之同人墉庸庸是也乘其墉者柔乘剛人言行震兌象  
 終蔽柔小人乘之同人下卦水火錯訟乃訟不親之人乘同人親之  
 人先言相克攻同人墉此四三不同人事象小過上下乘覆也所以



觀墉上乘攻伏也。所以臨墉下攻此四三不同人。一其象伏戎下伏而勢上興。一其象乘墉上乘而機下攻。不同人爲同人。害上下可謂備矣。其墉謂不同人。君子同人。何以墉爲其墉。爲不同人。小人防是其墉。不同人。小人乘是乘其墉。四東南巽攻伏也。攻从工。墉坤土以巽木克巽木。攻巽爲工。攻械具巽伏而攻而弗克者。言相克君子庸言庸行。缺柔小人可乘而克之。故墉有兌口。附墉左右附耳。城口附決。有言兌開口。言相克所謂崇墉言言。乃克崇是也。而同人君子乾言行庸。不有兌口。附決巽伏攻弗入之。乃君子言行有附耳于墉之戒。言行樞機之發。君子以言乎遠。則不禦。况其邇者乎。故乘其墉攻械攻勿用守械禦墉。不自有其隙。兌弗開口。巽工攻弗入。訟小人機械工不足抵同人。君子之隙。是四不克。訟弗克。攻是皆四三不同人。不得志于三。乃欲得志于四。而四卽是三。小人弗克乘其墉。弗克

道而不物也

攻者也吉者君子同人同必反復于不同人中而後慎其同小人同人不同必反復于同人中而後悔其不同故小人機械窮然後信君子言行庸聲氣同小人不同人弗能克君子之同而君子同人乃能克小人之不同也弗克攻吉者也

象曰乘其墉義弗克也其吉則困而反則也

乘其墉乘上觀攻下臨攻下臨言相克崇墉言言臨衝而天地臨觀

之義唯同人君子正而小人弗克義弗克也其吉指不同人弗克攻

者吉同人反則乾天則四爻東南對乾西北是困西北兌坎同人君子于

不同人窮服其心不窮致其命故同人道來同是同人不來同而往

西北兌而坎困失則是為則困唯弗克攻不同人困而來反為則困

者西北來即東南離而震嗑合西北節是反則是乾西北困來反而

為同人合同象也故其吉弗克攻者吉反而來同也則困而反則也



九五同人先號咷而後笑大師克相遇

此乾五與離二同人也天地數相得有合曰同人其志不同行其志不相得是不曰同人曰革天地同人有生合有克合生合家同人克合大師睽同人而克合曰噬嗑克合之師遇毒故革去睽異而噬合為同九五同人是也五爻當東方震卯地震卯甲乙是乾坤物不可終否受之以同人先否後喜象是在同人五震卯卯于西方酉天地東西門戶震出兌見而卯在酉卯酉也于昴門同人于門出是同人先于昴兌見故同人先號咷者西兌象兆昴虎宿而兌口号从兌虎號从兌兆咷兌于東方震視之兌反而是巽號咷是同人于西兌出門即外見睽惡人乃兌虎否口啞人為不同人即在出門同人之中而先不及辟是以東方震于西兌虎方是震來而震來號號震恐懼巽號咷同人先號咷是也而後笑者震為笑同人初于門兌二于宗







坤是同人震來于兌坤萃然不虞若號而于宗坤西南二應五坤西南離西兌睽有厥宗噬膚嗑異為同故睽先張弧先驚異後說弧後不驚異而若號者為笑是以東方震初震來號號後笑言啞啞而後笑是也此其同人先後之間天地南北以中直同人先中直乾直坤而先天定位卦先否乾先往坎訟否口啞人先否同人先號咷而後天出震卦否後喜離後來震噬嗑合同否口不啞人啞其笑否後喜同人而後笑故天地同人有生合有克合弗克同人困反則天地有克相合同人困相遇之道乃木克而火金克而水金火克是乾為金乾五離二同人象也金火革而克之而天地睽不同行兌象革而為水火坎離日月同行之象而同人五東方震于西方兌是同人之先坎離日月以南北中直而東西相遇為天地震于兌木克兌于離金克克合水火斷金二同人象為噬嗑噬而後嗑合象故先啞人先兌後同人

同心後坎離同人後坎離而不知卽是先兌同人先號咷而後笑者也是故克相遇大師克天地革去睽異而爲天下大同人同非大師衆不克天地五行卯酉德刑震乾一奇曰德兌坤一耦月刑一德而作五生一刑而作五克五生相繼父子之道五克相治君臣之寶克象刻木形乃東西木克火生金克水生火生卯離曰生水生酉坎月生克同人不偶者人相偶則是同人中姤遇也克而天地日月同人姤相遇偶也遇選也先相選相克而後相偶相遇是乃天地一二子在丑臨大大師克克而天地兌震象爲坎離二同人剛柔不期遇大師克相遇者也是故大師克克睽外天下不同人同之爲同人親而睽不同人旅人乃同人親反之親寡旅也是以旅人先笑後號咷于號咷兌象弗克而于笑震象弗遇也同人先號咷而後笑于號咷兌象先相克而于笑震象後相遇也故唯大師衆克噬嗑克合之而

天下大同人遇而合同同人先號咷而後笑大師克相遇是也卦一人

陰一陽符契合同為同人道君子正而同人不正之道乃陰與陰同符陽與陽同契而參同契陰符出矣故陽與陽同契參同契言生陰與陰同符陰符言殺同人三與五同功五師相克三戎伏不見陰符天有五賊見之者昌是也天地殺機同人中師坎心隱伏陰符五賊在心是也太公書聖人謂之五賊天下謂之五德人食五味而生食五味而死是五德五賊五味五毒同人師毒天下又是以賊為德以殺為生陰符天生天殺是也恩生于害害生于恩天之无恩而大恩生是也故天地五行相生相克同人有不同人伏戎乘墉師應敵克攻陰符爰有奇器是生萬象八卦甲子陰陽相勝之術進乎象是也陰陽相勝之術同人相克之道也而其事皆在易中不可不知之此

象曰同人之先以中直也大師相遇言相克也

同人之先天地定位卦同人一陰一陽當子午中以中直是定位卦同人先天地先否萬物以訟困而天地中直之道于同人則困反則而在之先故困以中直也同人之先以中直也天地中直午在未子在丑是臨大師始相遇相克之方而大師克訟言相克是兌口言相克師利執言克之而同人兌口斷金克而為同人坎離同心之言





也同人出門交于西卯出家門庭交交之始于寅申出國門交乃郊也交之終而同人同乎天子初終于門于郊皆是萬物交代于東北艮寅同人于郊者也故同人應乎乾為乾郊有文王同人于郊事有武王同人于郊事文王小畜郊小畜寡也同人親寡是文王于商郊羸里武王需郊需須也同人待諸侯至是武王于商郊牧野皆同人于郊事也五大師克上同人于郊散軍郊射左射狸首坤西南離首

離象應北坎中直是狸步侯道右射騶虞坤西南兌騶虞兌象應東震生不殺是仁獸是郊外左右象睽弧矢射而左右以不象革而貫革之射息也睽革坤西南卦改革是同人上九變同人郊射革面的射內鄉外而小人革面則內而同人同心是以同人師克兵勿用而觀我生設教行天子乾二同人大學在國小學在郊諸侯坤二同人小學在國大學在郊諸侯于郊同人郊大學外而同之天子天子于郊同人郊小學外而同之天下郊六鄉不



帥教右鄉移之左左鄉移之右移之郊移之遂屏之遠方不齒同人

示睽外之皆同人于郊事也同人郊于西南申神也西南升觀卦後

觀天神道同人于乾郊郊天坤巽升積土高大申乾園丘萃上升實

柴用大牲升中天天與火燔柴是同人郊于東北寅是泰郊泰壇郊

自寅正月至辰三月為有事于郊寅至辰艮巽用先甲三日辛以丑

十二月下辛卜正月上辛不從以正月下辛卜二月上辛不從以二

月下辛卜三月上辛乾先甲三日三辛過此而郊非西南東北同人

有事于乾郊之象矣南郊已西南申于已升用亨東北丑于辰蠱有

辛故西南二同人于宗東北上同人于郊郊祀后稷以配天宗祀文

王于明堂以配上帝明堂已同人于宗于郊事也是故有虞氏禘黃帝

而郊饗祖顓頊而宗堯夏后氏禘黃帝而郊鯀祖顓頊而宗禹殷人

禘饗而郊冥祖契而宗湯周人禘饗而郊稷祖文王而宗武王禘郊是帝

三三三

出乎震事周人審帝之所自出魯稷是也祖宗是人生于寅艮宗廟  
事周人定廟不毀之主文王武王是也禘郊二人祖宗二人周制禮  
不可  
易乃別生分類始自有虞類族辨物定于成周皆同人于宗于郊  
事也同人應乎乾乾上有悔應乎乾同人同人上无悔同人郊皆日  
月二人象而是離坎无悔是故同人于郊无悔者也

象曰同人于郊志未得也

三三三

同人于郊西南坤于東北艮是同人聲應謙謙者小畜寡同人曰是  
曰小畜謙益寡未曰大有曰大有是同人柔得位而得大有尊位而大  
得志曰小畜是同人柔得位而得小畜位為未大得志而同人郊小  
畜郊而已志未得也故同人上九東北謙艮上鳴謙志未得也上同  
人于郊志未得也

三三三

同人往卦取同人來同六爻來初爻西方兌上爻東北艮是同人六  
爻上下卦其間備北方西北坎乾為需需須也需于郊待同人來同

人于郊是也。初爻兌至上爻艮成。成即需不速三人來。三不同人是也。成志在隨人。二同人是也。初兌上艮同人。初終損損三人行則損一人。乃人同行不同行。二同人三不同人是也。此同人六爻方卦位也。



大有命卦師



大有聲應坤



大有元亨

與人同者物必歸焉。故受之以大有。同人天地一二子丑臨大臨或與與人同一二子丑。天地有萬物有之子丑臨大臨大是師大同人一二正北方卦。萬物之所歸也。與人同物必歸。而同人有大故受之以大有也。大有內四月卦。外五月卦。為乾歸魂卦。于八卦相錯。先天南方乾。後天西北乾。于卦相錯。下卦天地錯。晉上卦水火錯。需于六







爻相雜泰晉雜大有離師雜大有豐蒙雜大有臨旅雜大有豫大畜  
 雜大有謙睽雜大有鼎復雜大有損小過雜大有頤恒雜大有明夷  
 未濟雜大有震蠱雜大有剝大壯雜大有解賁雜大有艮歸妹雜大  
 有升噬嗑雜大有于卦中爻雜史五初雜二上雜大有史于卦變乾  
 變大有于類卦比六爻繫辭而命之大有命卦師是坤師繫同人是  
 乾師同人動在其中咸損六爻聲應卦坤此大有卦也大有有對无  
 而言大對小而言大有始北子丑咸臨一二有天地萬物生子有小  
 丑有大有而南離午咸臨大是大有命卦中動咸咸无者无不有家  
 同人有夫婦有父子天下同人有君臣有上下而自有天地有萬物  
 咸无不有之大有者也天地有之數大哉乾元用九以有九有大有  
 命卦師以有九有之師大有是也元亨者乾天行四德元亨利貞乾  
 日可見之行乃乾見之離為日大有元亨乾元亨乾見之震為行大



壯利貞乾利貞乾利貞西北兌坎為困象萬物入无是利貞者大壯  
 時止乾元亨東南震離為豐象萬物出有是元亨者大有時行是故  
 乾元亨大有元亨乾元仁長人同人物歸大有眾會是以帝出震震  
 元萬物相見離離亨震元離亨豐萬物有者大大有象大有年者乃  
大豐年也  
 同人物歸得其所歸者大為曰同人者曰大有天命右乾元亨大有  
 元亨者也是故大有眾師眾火天地水象一天地天地上下皆一水  
 火上下大有南方離火皆出之師北方坎水故大有命卦師師之眾  
 日月斗三人先勞乎坎勞二火乃坎為心為炎心大火赤大出之坎  
 而坎之師人三為眾日月斗斗統而之師从而師周而天地南北上下  
 于北正亥冥水師于南正重黎火師是為火在天上大有眾故曰陽  
 火出于坎水之陽月星陰火出于坎水之陰勞于坎二火是也大有  
 師人三為眾是艮人三星眾艮大山大星艮小石小星師周而天地

退而不物也


从艮自上下而周之而大有火在天上星衆中外常明而可名者  
爲星二千五百而皆出之坎地中有水應二千五百師衆而爲大有  
衆有从又从月自天右<sub>入</sub>星衆自天右是乃師同人于野火在天  
上象也是故南方離大有衆出北方坎師衆離大有元亨出坎師貞  
貞正北方卦北坎子天元一大有元坎子天元一通離午地元二大  
有元亨故北之坎星虛乃南之離虛中爲星虛象也北坎爲心爲炎  
火<sub>大</sub>北心大火坎中震出出之北虛中而爲東大火心東大火心見之  
南虛中七星而心大火中天七星乃斗在午大火心在午是爲乾在  
天離午變大有在天乾龍星在天大有大火星在天而大有火在天  
上乾元亨候矣是故大有南離乾在天成象事卦六畫上一象天五  
在天分野四象曰三象星二象月下一象漢統爲火在天上是天與  
火同人于野象師萬物成形地大有萬物成象天<sub>又</sub>又<sub>右</sub>子一天

元始丑二地元右行是以元亨者天元以甲子朔旦冬至日月起牽牛初右行二十八宿考王者終始以四千五百六十為紀紀元也一元四千五百六十甲寅終五行相代一終之大數也王者復起易元甲寅終終有始天一元周紀大終而日月星辰復始甲寅元大始是同人曰革曰大有子丑寅天地人三一復元二臨大三泰亨而大有元大者亨是乃乾一統天之紀而應天時行大有當之大有元亨者也

象曰大有柔得尊位大中而上下應之曰大有其德剛健而文明應乎天而時行是以元亨

大有者有大有是作易者小畜畜有復小曰小畜小畜而大大畜畜有臨大曰大有有對无言大哉乾元咸臨大有天地有萬物咸无不有是大有柔得尊位者天尊始于地卑是作易者小畜畜有禮以履謙





卑卑而乾在田同人同人應乎乾大有而小畜卑在下柔以時升是  
 下小積以大積而大有卑升以尊升而大有柔得尊位作易者是以  
 自天祐之大有象也故柔得位而上下應之曰小畜柔得位得中曰  
 同人柔得尊位大中而上下應之曰大有為作易者言也大中者天  
 地南北坎中孚北子正在丑離大有南午正在未午未正當子丑臨  
 大是大有大中蓋天地萬物數西北咸无北中孚中天地生萬物子  
 有小丑有大有是丑咸臨大而咸无不有子丑而南離午有天地有  
 萬物有之數咸无者无不在離午離二離七咸離午當北坎子是天地南  
 北大有中孚而大有大中是天地南北大有大中孚中也中孚中則  
 南北天地上下上二天爻下觀下二地爻上臨天地臨觀之義以南  
 北大中而上下應始應之小小畜寡終應之大大有眾是以柔得位  
 而上下應之曰小畜柔得尊位大中而上下應之曰大有大有尊位



是午正在未鼎正位故鼎元吉是大有元亨鼎一元用九周流爲道  
屢遷是以曰革曰大有鼎遷于殷鼎遷于周應天時行而大有九有  
鼎正位九鼎是以元亨大有是以元亨是故大有是小畜而大畜大  
畜德剛健大畜應乎天大有其德剛健而文明大有應乎天故富有  
之謂大業謂大有曰新之謂盛德謂大畜大畜西北利貞天地前往  
无者而无不畜之則大有東南元亨天地方來有者而无不有之大  
有應天而時行是也故大有乃東南木火時行中孚出有而應乎天  
其西北金水失時極不時行乃咸入无而不應乎天是以天命不祐  
卦在西北而自天祐之卦在東南東南柔以時升之位是柔進上行  
得中之位爲升之鼎正位是大有尊位鼎是以元亨升是以元亨而  
大有是以元亨皆應乎天乾元亨者是也

象曰火在天上大有君子以遏惡揚善順天休命



天與火同人親火在天上大有尊大有位午正在未天地顯比天地  
 萬物有者火在天上顯比大有象也是故同人類族辨物則有善惡  
 善惡相比則有順逆順逆而有取舍善惡則有遏揚大有午正在未  
 大中示象坤為惡積坤陰不善西北戌是惡乾為善積乾陽无惡東  
 南辰是善故西北戌遏也坤陰自兌上而下兌惡人虎噬西入戌戌  
 剝小人不可用艮止之以遏惡東南辰揚也乾陽自震下而上震善  
 人卯出辰辰吏君子利有往兌見之以揚善吏揚是故戌遏惡辰揚  
 善大有午正在未大中示象惡上逆遏而下善下順揚而上順逆顯  
 比大有火在天上以遏惡揚善其事也遏惡戌西北下揚善辰東南  
 上東南巽申命天其申命用休小畜作易者有天休命故大有柔得  
 尊位天尊地卑之位出于天休是天休否天休復反是天休復而有  
 天休之命是以順天休命曰革曰大有革南北水火相息天休命以



息以休西北戌火在天上大過中戌滅火爻崑岡西北玉石俱焚天  
 吏逸德烈于猛火是戌火入火性毀戌惡人順天命宜遏者也東南  
 辰火在天上大宜中辰興如火烈烈則莫我敢曷莫遂莫達九有有  
 截東南日躋湯齊是辰火出火德盛辰善人順天命宜揚者也是以火在天  
 上遏惡揚善而北子丑水火息天休命以休大有南午未以順天休  
 而東南辰火出有天命自天祐西北戌火入无天命不祐而天休命  
 為火在天上大有順乎天應之君子以遏惡揚善順天休命者也

初九无交害匪咎艱則无咎

大有初有天地有萬物有者更始初爻當東北艮丑寅地終萬物始  
 萬物艮終始在大有初初丑臨大有未遯小即初寅對申有大與小  
 往來交故大有有對无言大對小言大與小交而小者害大有小人  
 害是交害有與无交无者害有有小人无而妄者交害是无交害天

道而不... 卷九



言是交害有與无交无者害有有小人无而妄者有交害是无交害天

地有无卦東北大有有西北无妄无故交害者天地往來反類小大  
交代之事在申寅交天地无初有終有无交代之事在亥寅交而大  
有初丑寅地上艮成終下反艮成始西北東北萬物終始有无出入  
有頤交牙象即西南東北其申寅交為臨大遯小者往來小人遯而  
无无而妄而大有小人害是无妄无者交害是以西北東北卦先艮  
震其亥寅交有頤交牙象而有无出入无者交害在大有初是故大  
有初交害王者歷數之元窮而復始之時天元四千五百六十為紀  
甲子始甲寅窮窮而復始為元其窮而復始初入元陽九是无妄災  
眚乃大有天命不祐災歲乾天行九失則在申交在寅其災陰九陽  
九陰七陽七陰五陽五陰三陽三九七五三天行陰陽皆乾大過中  
過之之數是天地交小往而小過大往而大過而于頤交牙相錯則  
有陽奇不偶之數為災歲而于大有初元始未亨乃初入元而有无



妄災數爲交害事。故天地數申九寅三。反復終始交不可過大有丑未大中之位。過則交害。是以陰陽九窮之厄。元終復始。進退于牽牛前而交害在寅。大有初九象也。无交害者。又是无妄无者交害。而以无之大。有初有大有。是當丑地日窮于次月窮于紀。星回于天數終更始。是在星紀窮而始。既復星紀一元窮則變。變則通。日月星大有衆復起牽牛而行。是窮在寅。亥大過通在子。丑大有子丑一二元復始。則亥寅交大過之九七五三陽九災。頤交牙感害者无。无交害者也。西北无妄。其匪正有眚。匪爲咎。匪小人害无交害。而咎匪咎者也。艱則无咎者。大有初未在上。乃明夷初已出地中。爲天地往來交害者。夷傷艱貞无咎。是則大有初艱則无咎。故大有初天地同人丑兌二人日月寅艮一人斗夷而損害者三人行。日月斗起丑牽牛爲萬物始終交代而行。乃是初出明夷地中難而上。在大有天上易咎各

人東北艮地中艱者艮是艱艱从艮而交西北乾天上各人咎者乾是无咎是則大有无者无交害大有自天祐在初九矣故大有五易而无備皆大有初艱則无咎者也大有下一象漢東北箕斗之間謂之漢津牽牛河鼓主關梁拒難道路交通之事漢起箕斗没西南未之東井日月星三光交道以通之斗井天地大中而大有以无交害故大有下一象漢是也

象曰大有初九无交害也

大有六爻初上下曰大有初九上曰大有上吉以下大有丑子合臨大上大有午未合觀大臨二初地觀五上天而中是大有大中上下應天地大中有孚有者交則无妄无者无交害故威如相克交如相愛大有有天下始有家有交相愛无交相害去无妄无爲大有有是故大有初九无交害也

九二大車以載有攸往无咎



大有二初兩爻子丑臨大有大有二爻當正北方坎子地坎子壬癸是離坎日月所始其先坤大有卦火在天上其先乾其當北坎子坤中宮乃南離午七星北其坤中宮坤二直方大大車乃七星北軒轅中宮之體黃帝之神軒轅坤大輿載物當坤坎大有師大衆地有萬一千五百二十物天有萬一千五百一十星日月星俱起丑星紀牽牛右行而北陸玄枵虛中之次坤大車載之坤車左右坎輪比輔以行而大有衆行天天乾圓載而有地坤方大大車以載者也二應五大中有中孚信大車直方大不疑其所行坤有攸往北壬癸離坎所始日月星大衆皆順坤輿之軌而進有攸往者也大車載是大有攸往是有大有天地有萬物子丑往西兌酉天地卦氣有攸往往戌天地卦氣无攸利矣往无攸利有者之咎往者過之而无者害也有攸

往无咎者也是故載歲也歲左行有歲右行行周十二次萬物載唐  
虞曰載歲震出帝載帝車歲周行十二夏曰歲皆唐虞曰載載始也  
北坤坎物終更始易窮則變變則通通則久于北坤坎載始是故黃  
帝堯舜氏作易取乾坤黃帝其號軒轅中宮之體以土玉寶始作車  
旁行天下以師兵爲營衛實始作厯得天之紀終而復始皆大有二  
坤元大車厚德載物象是在坤坎以對離乾乾坤取此是乃大有中  
天之象黃帝堯舜氏作其象也是以自天祐之言无不利有攸往无  
咎是也大有二象月坤陰宗坎爲月坤大車載坎輪曳月象大有又  
是大有有攸往故大有二象月是也

象曰大車以載積中不敗也

大有二象月積中者北玄楊虛中中復小有小畜積而大有則有坎  
天一積中以大大車載德積載是也敗北也大車載北方坤坎往南

三三

方離乾是師衆爲南大有衆是坎克南方離于乾不敗乃載者始北而南不是終北北玄楊耗名中敗者也故不敗者坎天一積中大有大車載有小畜尙德載在中中積而大有衆往南无師衆敗北之憂是坤坎月輪郭有乾元離日一陽精中積而爲不敗之道在大有二中月象積中不敗也

九三公用亨于天子小人弗克

大有三應上自天祐之者也三爻當西北乾戌亥地于東南巽爲高巽是乾爲天天命巽乾是作易者曰小畜曰大有是以自天祐之九三大有時行對東南是大有元亨亨之象也公用亨者三艮爻公位公通也亨通也乃坎離水火通亨同亨同享故大有元亨是鼎元亨鼎聖人亨以享上帝是王用亨于帝而大亨以養聖賢是公用亨于天子鼎三公位鼎始也乾元始而亨者不亨則鼎始不亨而亨之道

天子鼎三公位鼎始也乾元始而亨者不亨則鼎始不亨而亨之道

亨之道其始不通故大有公用亨而亨之道亨之道公用通之而大

有元亨之象三亨者矣三西北乾天子于坤地上五嶽視三公四瀆

視諸侯公通稱五等諸侯民皆稱曰公天子天乾元北一人上法斗

極三公星斗柄東和陰陽齊七政以佐天子故天子乾天震子无妄

之稱无妄匪正天命不祐大有三上自天祐之上自天祐天子三自

天祐公也是故公用亨道通作易者小畜道通于天而用亨天子于

其時天子而作易者小畜是公小畜以益寡益而大有大有公用亨

益王用亨王用亨功成有之于公用亨道通故王用亨于帝告公用

圭告公用圭公用亨于天子是為大有元亨時行乃三西北對時東

南東南象豐噬嗑食大有道亨而可用亨是為公餗鼎元亨鼎正位

天子陪位三公時可用亨道亨可知公用亨于天子者也是故大有

用亨道通為臨大者升大有元亨升元亨升王用亨于岐山是大有



公用亨于天子其道通之大有用亨是也小人弗克者三西北乾于  
 東北巽小畜密雲蒙豐蒙合大有大有公用亨于天子之時有小人  
 害大有公用亨而小人害弗克是乃小人弗克言克是亨之象公是  
 鼎元亨之象公用亨于天子之任鼎公餗力小任重反為小人害言  
 不勝其任故言是亨之象小人居公用亨位弗亨是弗克小人弗克  
 者也大有三象星三艮爻艮為星五嶽視三公艮大山大星艮小石  
 小星以小石小人小星任大山三公大星任弗克宜也故大有三象  
 星是也

象曰公用亨于天子小人害也

大有下卦是損盛之始而益為大有故大有自上祐在損四損以遠  
 小人害在大有三蓋君子小人相克者也公是无妄君子乾君用亨  
 于天子則君子有小人害必矣公是无妄妄小人用亨于天子則小



人自小人害必矣故小人弗克大有中爻史東南辰揚善史積五陽者揚而積善者公用亨于天子西北戌遏惡剝積五陰者遏而積不善者小人弗克是以公用亨于天子大有九三與初九亥寅爻先有小人損害而在三西北小人害也

九四匪其彭无咎

大有遏惡戌西北陰下遏之大有揚善辰東南陽上揚之是則乾于四日可見而大有又于日可見而于西方而見月坤體喪陰而得陽大有得九四象也四爻當西方兌酉地兌酉庚辛是震巽恒日月象酉古文卯是東方卯卯東卯開離日出震乾日可見離大有日可見之行震大壯震以鼓之鼓震春分聲西兌酉地庚曰室辛曰塞天地萬物上下蒙冒兌口閉而離大腹中空不通于是雷出地奮大有得鼓以出之物上下蒙冒首擊蒙以鼓萬物而離大腹中空





者通是在大有四震以鼓之彭鼓聲也彭从鼓从三三是在川坎為通  
 鼓坎子夜半坎坎鼓三通為戒晨旦明五通為發明三象交擊之鼓  
 聲彭是也九四乾在淵乃革革蒙之鼓伐鼓淵淵即坎坎故三者川也通也故二與四同功二大車  
 以載出四震大塗車東西兩輪日月運行車聲雷鼓聲大車彭彭皆  
 為彭之鼓聲故鼓蒙之蠱鼓腹彭然匪☷坤月☷旁闕乾日☰中正  
 日中正是☷旁闕非匪也日☷旁闕乾嫌无陽匪正月☷不旁闕坤  
 陰疑陽亦匪正大有☰☷西兌口坎不盈不是蠱之疑象陰疑陽匪  
 正之象不陰盛月☷旁闕非鼓腹彭然匪其彭月盈食坤☷常日盈  
 食乾☰非常二分二至日月之行分同道至相過日朔月望食皆為  
 非常皆非恒日月大有得天之象故禮日月食詔王鼓非日月之管  
 不鼓是以彭鼓聲大有四西先天坎月見兌與東先天離日出震相  
 望日月望是大有得天正象无陰陽嫌疑是為非日月之管不鼓匪



其彭西兌坎困卦而東震離豐卦困卦窮王建路鼓大寢門外以待  
 達窮者與遽令聞鼓聲達之困窮者通大有是豐之世非困窮物窮  
 幽不明者早辯彭鼓聲不聞匪其彭是故鼓震春分非兌秋分而鼓  
 聲于兌言者是兌震聲死非兌震聲生兌為鉦正秋音震為鼓以兌方  
 伐震方音謂鉦人伐鼓故雷是震生非震死匪其鼓匪其彭是也此  
 東離日震出西坎月兌見是月生魄恒不死其死魄勿藥有喜彭受  
 不死藥器也器形魄不死藥精神大有乾歸魂卦大有四東日魂受  
 以西月魄亡旁闕月生魄不死非天地死魄委形之空器匪其彭是  
 也彭一作旁旁魄彭也一作廷曲圍體不信彭也西咸池西兌為巫巫咸巫彭皆西兌象為  
 无妄疾而言黃帝氏以黔首多疾五藏九竅陰陽不通發則有蠱疑  
 疾故立巫咸使之震動藏竅以發陰氣是則擊鼓宣陽所以逐疾大  
 有夏時讎震氣畢達非為疾厲鬼神情狀而然匪其彭是也是皆大

有有者出震而无妄无者震无咎无咎者也大有四象曰有離曰陽而坎月陰生明二同功四是有坎天一陽坤器積中不敗故萬物陽生出有明生見有大有四也大有四象曰是也


象曰匪其彭无咎明辯晷也

明日月辯明日月辯是與非故曰生明于東月生明于西西月早明晷東曰早明晷明辯之早晷也人君朝日夕月法日月以聽政萬物其匪正則嫌疑是非有辯是以大有从月匪其彭无咎陰陽乃為无嫌无疑明辯晷也

六五厥孚交如威如吉

大有五大中而上下應之是曰小畜者曰大有而上下應之五爻當西南坤未申地天地正子午正在丑未大有五是豐尚大日中象豐尚大震大火心在南方離午而離日中正在未而午上自天右之





斗象曰中見斗大有大中是也天地南北子正丑午正未南大有北  
 中孚于中孚五對大有稱有孚于大有五對中孚稱厥孚可不言大  
 有象也厥發石也天地陰陽生之氣巽伏在乎艮止艮石發則巽下  
 震起是發石而巽始厥陰生氣發乃中孚巽在陰其子對南午未交  
 丑子交而天地厥初生氣厥初生民發之厥陰終子午至己亥終始交生  
 氣發而中孚信發志是為大有厥孚故五坤西南離兌睽西南同人  
 于睽為厥宗于大有為厥孚天地一陰一陽交交在巽厥陰終始而  
 厥孚交是以小畜中孚以巽在陰風木始巽為木為風為風木厥陰震生  
 氣東方生風風生木厥孚生有孚發而南方生熱熱生火火生心是  
 為東南木火生大有元亨震離二象豐有孚發著大有厥孚交如東  
 方震大火心在南方離是東方離大火心在南方乾火在天上象也  
 是為少陰君火在乾天陽明燥金在乾淵為火在天上大有天十二



舍坤野皆有午七星為斗自天右之杓火少陰所謂標也大有尊位為心明  
 堂火大中司之故少陰君火司天天地六氣三陰三陽其運天地上  
 下交交而厥孚始厥孚終厥終厥始皆東南辰巳巽之厥陰木生火  
 火生心是以巽在陰中孚中心為有孚變如天地子午交之象而大  
 有厥孚交如者也威如者天地交道大有顯比大火天上大有中爻  
 史斗自天右之史決敬之者昌慢之者亡史斗杓火西南睽弧矢威  
 以火動而上當坤為柄所指威天下天示象威如者也坤西南革天  
 地革水火息南方離息之北方坎是為天休息而順天大火心火在  
 天上大有眾又斗率星眾自天右之星行列火是于大有時昏中  
 東震出旦中西兌見昏旦兌震隨時昏震出當午七星中火蒼龍天  
 觀象交如旦兌見當午七星中昴白虎天觀象威如星行列火天大  
 有眾是地師眾成形地成象天而天大有眾順逆顯比大有聲應卦

遺而不物也



坤西南坤軌道順逆顯善惡顯而火在天上邊惡揚善西兌象邊之

戌而幽在地坎冬東震象揚之辰而明在天離夏故大有順天休命

之候旦兌見是寅先犯難白虎兌象惡昏震出是申後有則蒼龍震

象善于善揚之龍星大火而明在天離夏為乾飛龍飛龍也龍二音从二龍

龍一陰一陽交之象而震生氣交手大有交如者也于惡邊之虎星

大梁強梁惡也而幽在地坎冬為乾乃革虎變睽弧矢威天辟除惡人而

兌變威天下大有威如者也故威則也西南申天則是火在天上古文也

名雷也是天也命火在天雷是名天則震象起是大有交如是火

火天上為蒼龍天上雲行雨施交之象交如者大有時也名天則兌

象伏是大有威如是大火火革在天上為白虎金革在天上火上澤

下威之象威如者大有時也是故大有命卦師中爻交如威如火

在天上金革斗自天右之杓火七大有眾師史決是以天地前衝七

後衝七前衝兌先是右兌先犯難後衝震後是震後有則大有五是  
 乾五變震雲從龍北坎水雲生從東蒼龍宿而南朱雀宿應之是震  
 後後大師克相遇不是克是生而相遇交孚厥孚交如是也兌風從  
 虎南離火風出從西白虎宿而北玄武宿應之是兌先先大師克未  
 遇乃以克為生而風自火出者威如是以厥孚交如在威如威克厥  
 愛允濟愛克厥威允罔功威如是也風自火出克家交相愛在威如之吉是故大有內  
 而有家外而有睽天下睽威天下家威如內外交相克交相生交如  
 以威如而吉吉者也大有五坤分野南北子在丑午在未上下應東  
 北艮為斗西南坤為柄大有上午自天右之天地未丑井斗交戌辰  
 奎角交是交如之道而西南睽弧矢觀象斗柄右之坤西南睽威天  
 下維斗得之以成其威所謂威斗西南坤總十二野大有交如威如  
 者也故大有五象坤分野是也





象曰厥孚交如信以發志也威如之吉易而无備也

大有元亨之象是東南豐厥孚交如是起于有孚發若北中孚信在陰發志而南大有以北樞機發豐見斗發若而中孚發志信而勿疑為大有得之時故豐二有孚發若信以發志也而大有五厥孚交如信以發志也威如之吉東北艮斗西南坤為柄坤艮謙德之柄乃大有五尊位威如之柄執之西南坤視東北艮謙輕易是豫防備易而无備者大有初盛之始是損先難後易乃西北乾為易東南巽為備異齊備物豫防有无是東南先難先備而後易東南對西北先天損故坤西南得威如之柄得在東南易而无備可也而東北不是先難先備而後易東北對西南先天益長故東北喪威如之柄喪在西北易而无備不裕而不設乃易不設備可也威斗易日月斗建戌日月在卯對酉喪兌象喪羊于易大壯藩決无備而西南大有為大无喪斗建亥日月在寅對申喪坤象喪牛



于易旅次傷无備而西南大有為大有得是為西南日月在申斗建  
 巳日月在未斗建午日月在午斗建未天地大中火正在天之辰德  
 威威天下天下一家人威如之言之象大有无不及之備在先難不  
 備在後易有艱則无咎在先可以易而无備在後是以大有五威如  
 之吉易而无備也

上九自天右之吉无不利

大有上天也三應上大有天命祐唯天子天子上唯天而已上爻當  
 南方離午地離午丙丁艮兌乾三人行而上艮一人自上祐艮一人  
 斗兌二人日月斗威如之柄天子一人執之大有上午七星象是也  
 乾坤南北離上坎下離火天上大有坎水地中師地師眾左次天大  
 有眾右之蓋天地左右行道始于北子丑一二子一天道尚右左行  
 而右之行東北東南而右右之者出从一是也

天一下丑二地道尚

左右行而左次行西北西南而左左次者从二是也是以二兌二  
人日月左次一艮一人斗右之北一二天地生人始子陰陽合未分  
子丑一二陰陽分子乃左行尙右佑也丑乃右行尙左佐也右一  
人行天尙右示象見吉示之祐也以右之而天示象爪日月星見吉  
皆以斗右之斗時而行故斗自天右之斗右一人是自天佑之斗右  
之天右助順所以示是自天祐之皆師衆左次而大有衆右之是也  
是故右天示象大有有之數北坎子一左行而右之之右坤申九是  
爲大有有攸往以有九有之數爲天顯道神德行可與祐神之數申  
也坎子一之坤申九顯比是西南申乾天數有天命祐大有有所之西北戌乾天  
數无天命不祐无妄行何之之往也左行而右之西北无往右行而  
左次乃西北有來是以日月星師衆地大車以載右行而左次而大  
有六爻上下是爲旅卽次起星紀次立柁而次南方鶉火是兌二人





日月象在南離午而斗時行大有衆地大車以載天有攸往左行而  
 右之起星紀牽牛直指七星而之西南東井是艮一人斗象在西南  
 坤未是爲斗自天午七星而右指未東井右之而于申天顯道可與  
 祐神之數西南坤爲柄不違申九天則東井謙柄斗不違則是以右之祐神而  
 天神道天祐天地午未大有大中乾三人行兌二日月艮一斗大有  
 五威如之吉損自上祐是大有自天祐皆斗右之象自天右之者也  
 大有命卦師同人動在其中咸損大有是臨大之卦兌二日月艮一  
 斗臨兌日月與艮斗時偕行咸天神道日月斗不疾而速不行而至  
 可與祐神右之而已故咸臨吉无不利而大有自天右之吉无不利  
 者也是故吉无不利乃大有元亨右之而利西南右从又手三指右  
 而西南東北艮指斗指其所之又也西南斗指所之成功退當王  
 進又以尚賢天地右西南高左東北卑右高大有五尊位是以自天

造而不物

右之五自上天爻自上祐自天祐也故吉无不利大有損害之象遠  
 初无交害益利之象興上无不利大有公用亨于天子可以益而王  
 用享于帝是乃益寡曰小畜者曰大有吉无不利者是故大有自  
 天皆是小畜自我作易者曰小畜曰大有大有自天右是小畜自我  
 西郊申是天右之申保右命之自天申之是也明堂右饗維天其右  
 之是也天十二次左次天四時序右序大有天子天時行夏肆于時  
 夏昊天其子之是也實右序有周是也作易者小畜自我西郊申觀  
 天神道申西南居則觀象動則觀變是以自天右之吉无不利者也  
 天右之地左次右之有之左之宜之神而化之使民宜之黃帝堯舜  
 氏天下治取諸乾坤乾坤久道大有數有易窮則變變則通通則久  
 是以自天右之吉无不利者也大有上象天天右之大有履信天乾  
 圖旋履中孚信之發而斗行天履旋履四時信而大有初象漢二象

月三象星四象曰五象分野皆以上象天天左旋而右日月星是以自天右之其左次者皆自上天爻右之故大有上象天是也


大有火在天上其初火在地下明夷為艱貞无咎象乃文王有小人害文王作易自曰小畜以大有至火入地者登天成火在天上象是天祐故易觀象觀變是以自天右之吉无不利為文王言也

象曰大有上吉自天右也

上九天大有六五自上九天右之自天右是艮斗兌日月上天命祐是上祐六五是以艮兌卦六五元吉自上祐也離乾卦大有上吉自

天祐也

大有來卦六爻象師左次而大有自天右之初爻東北艮上爻南方離是大有六爻上下卦其間備東南東方巽震為益天地益小畜寡成大有眾益元吉勿問之大有右之吉是也初爻艮至上爻離賁賁



三三

觀天文時變大有火在天上交如威如是也初艮上離大有初終旅  
天文火在天上旅即坎師左次而上自天之象大有右之是也此大  
有六爻方卦位也


周易

卷七

三

卷止


受業瑞安洪咸校



温州市图书馆

WENZHOU LIBRARY





卷一

受美玉文法局木

温州市图书馆

WENZHOU LIBRARY

温州市图书馆

WENZHOU LIBRARY

